

黃夢琬詩鈔

孝威



公館

鶴窠村人詩稿 八卷

共 | 册 存 | 册 排架号 98118

詩

藁

鶴

窠

琴

尺

丁未中秌

允甫杜猷升題



Faint, illegible markings or bleed-through from the reverse side of the page.

夫詩以道性情而已古安有所謂格律哉以故論詩不可寬亦不宜過嚴過嚴則格律尊而性情汨過寬則纖浮揉雜性情與格律胥失之矣而能執兩用中者惟我友式權先生其庶幾歟先生嘗謂昌黎有言文無難易惟求其是詩亦何獨不然又謂袁簡齋固一大家也惜其小倉山房集詩多而不免於濫孰若沙汰之爲愈乎先生之論詩嘗如此故其選人之詩也於海曲詩鈔凡例則曰是選惟以溫柔敦厚爲旨不預懸一格以求而於自定其詩也則取裁維謹既入之又刪之所梓鶴窠村初稿暨贖稿占全詩僅十之三四而刊落者多矣律人律已寬嚴有道治身與治詩先生殆一以貫之歟先生既歿同社諸子以爲先生雖以餘事爲詩人而傳世之作不宜如是之寡思有以稍益之檢得先生遺稿自丙午迄甲子共十有二册付余爲之編次余不獲辭受而讀之爰捨其所已梓而遴其所尤俊者又得詩三百餘首次爲八卷附以樂府一卷此外篇什刊落仍復不少所以不敢多取益者蘄不肯乎先生之初旨也至於先生之爲詩能寓性情於格律中嘗於家國君父之間拳拳三致意焉字裏行間自然流露讀者當能展卷而得之又何待贅詞哉丁卯孟春同社弟徐守清謹序

題詞

詞人白首意多傷况是滄桑國恨長身世唐虞忘魏晉文章開寶例同光晨雞警晦號
風雨野鶴含淒語雪霜一卷江關蕭瑟裏風流吾愛孟襄陽

奉賢 朱家駒 遜庸

吳興 姚洪淦 勁秋

妍詞精選清機徐引頡頑溫李才華大氣盤旋超心鍊冶推崇燕許名家五色筆生花
仰著書盈篋問字停車盟主騷壇有時險韻鬥尖叉 高年嘯傲烟霞記追隨杖履賭
酒評茶鐵甕挂帆鍾陵著屐空教懷舊欵嗟秋水溯蒹葭慨伊人往矣遺句籠紗留得
名山盛業奕世壽無涯

夢晚遺稿行將付梓校讀一過爲題四絕於後

內弟 謝 璋 企石

吟魂化鶴乍歸時昨夜依稀夢見之知否有人懷舊雨藥爐相對爲編詩
搜將梨棗付鐫時習靜焚香細校之恍過晚香留夢室一燈風雨夜談詩

詞場角逐溯當時君是前身杜牧之此日白楊蕭瑟裏秋墳猶唱鮑家詩
莫謂雕蟲不合時嘔完心血始成之從今身死名長在傳遍人間數卷詩

鶴窠村人詩稿目次

卷一 丙午至庚戌

擣衣篇

除夕客中感懷

客中聞畫眉聲

烏衣巷

衰柳

除夜與荆人閒話

客有勸余應秋試者賦此答之

鶴塘志感

清明展墓志感

鶴塘棹歌

送春

溫州

飲

病久二律

題白門黃瘦竹上舍掛竹圖

浦江賽船歌

秋宵

詠錢

花朝坐雨

兩夜聞鐵馬聲

曝書

己巳歲暮偶成

行路難

幽居

老女詩

陶家巷天主堂是詩人蔡竹濤故居庭有老樹數百年物也今已摧為薪矣

一笑

浪蹟

讀張野樓餓餘集

光緒三十有二年十一月十五日詔升孔子上祀曲園太史賦詩恭記依韻和之

人日

上巳後二日為嚮孫試醉喜而賦詩

夏子听渠為茸城張女士徵挽歌傲長吉體應之

食蟹戲吟

新晴南山步

除夕讀吳昌碩後

反祭詩吟

游仙詩

客中

題于香草石上獨坐圖

聞蘇子熙宮保元春賜環之信喜而有作

遙呈楊古醞先生次即席口占韻

重九日病中悼亡友張心一明經

吾里南山寺疎林幽渌秋色頗佳別此已三十年矣追憶成詩不勝感慨

筍里懷舊詩四章補鶴塘權歌遺闕也

寥落

蓬島盍簪吟三十四首

殘秋

除夜讀奚申伯燕子吟有十五日陽其并于土庫曲園太史履齋恭讀詩贈味之

求雨謠用韓昌黎陸渾山火韻

卷二 辛亥至丙辰

放鵬亭遺址懷李高士

荷花塢詩僧鐵屐曾駐錫於此

橫塘款乃曲

元旦作

舟夜

題花妖圖四絕句爲鶴村詩隱作

賦得枯樹

小游仙詩

六月三日雨寒甚

驀地

滬江紀事四首

滬濱行用高達夫燕歌行同雪經作

步雪洲七月朔日晨起偶作韻

孟蘭盆歌

歸自新場舟中口號

野行

題朱潔夫紗幔授經圖

陳雪經挽詩

閱滄桑豔傳奇感賦

肖孃墳感事

秋海棠

葉氏池上樓忠節公映榴故第也余幼時讀書於此近爲風雨所毀詩以弔之

遣悶戲步題襟館倡和集韻

客有索觀近作者戲覺題襟館倡和韻答之

有客

懷梁節庵太史

夜雨寒甚

無題

寄懷朱叔建

二陸懷古

燈影

陸文端挽詩

對酒

滬上感成

酬唐子耘步見贈韻

讀明皇小識

采棉詞

西風

荆柯

毛遂

溫州

讀亡友朱子美贈滬上彈詞女詩感事傷時爲賦四絕句

寒風

銀河曲

立春前一日作

卽事口占

歸夢

荷花陽采蓮歌

社安宗兄以尊人月波先生八十壽言屬校中缺五言絕拈此補之

卷三 已未庚申

花朝

梅雨兼旬客中感賦

哭于生蓬石

九月十五夜作

己未九秋重開澹社余因事不赴賦寄同社諸君卽步企石有感韻

題丁子裘箕裘願學圖

題周寄鴻孤寒思痛圖

梁節庵國傳挽詩

歸去一章

陰雨連朝竟阻探梅之約小窗悶坐賦此遣懷並寄淡社諸吟侶

將返里舍留別淡社諸子

雨過

雜詩五首贈朱叔建

蝸蝸我鄉呼爲叫哥哥兒童有以小竹籠豢之者感而賦此

張生淇東游日本賦此送之時庚申七月二十八日

仲秋二十二日炎熱似盛夏

明妃村

薛濤井

綠珠樓

真孃墓

淡社句留候將旬日臨歧倦倦不能無詩知己者為我和之

燈下校張野樓先生詩集敬題一律於後五疊前韻

冷髻寄示送別詩賦此奉酬七疊前韻

米價

二十八日之夜夢上一山路彎環作半月形昏黑幾不可辨山上有方亭數人聚

飲其中酒酣吹笛忽雲破月來大地明如白晝因得醉携鐵笛二語醒就枕上

屬成之說者謂頗類樊榭游仙詩也

滬城鴛鴦廳昔之鬥酒徵歌地今已榛莽荒蕪矣間游過此感而成詩

題常州某女士畫

社友秦亮臣始基悼詞

立春日得春柳書約赴祭詩之會報以二絕句用去年除夕寄澹社諸君韻

除夕有懷澹社諸吟侶

守歲

卷四

昨夢

未申悼逝詩

醉臥

元夕踏燈詞

酬宋靜菴

新場即日

二月十四日

客館

舟中口占

鳳女臺

燕子樓

題京江戴太君桐陰課子圖爲令子鶴皋作

三月十九夜有偷兒入書室所失祇數百文耳戲以一詩贈之步一廬見慰韻

蕙香館坐兩作

冷髯醉石春柳松菴約游無錫因事所阻賦此謝之

南城初建公園率題一律

余曾撰橫塘權歌紀故鄉佚事今已十有七年館舍無聊賦此以補前所未及得

七言絕句八首

題秋筵集

兩夜

梅雨經旬遲硯鋤不至

馬士英畫

筍灘消夏吟社卽事

跑搶轎行

歸去來辭

旅館無聊偶成四韻

張生洗桑將赴日本寄此志別

團扇曲

喜家書至

送秋詞

遙寄淡社同人訊菊花消息十二香去年留別韻

立冬日寒甚

過閩家灣有感

暮潮式

十月望日老友朱雲遠見過

偶檢敝篋得西門子雲山水橫幀率成一詩

同社友武君樗癭歿於滬上余既撰聯挽之又成小詩二章既以悼君行自悼也
病中書感十三沓去年留別淡社同人韻

月當頭夕客中乞月

張憶孃簪花圖題詠是靈鷲閣刊本

冬至夜作時因病將返澧谿

劉君山農度地天台山藝橘萬株其友徐東雅賦詩張之昨以書來索和因成四

絕句

盼家書不至

辛酉悼逝詩

連得又崇及阿膠信喜而賦此

四十年前滬上女仙降乩有笑爾檐間雙燕子一生從未見梅花之句風雪寒齋

戲反其意得二十八字

卷五 壬戌

立春日作

閒中偶成學宋人詩體

正月二十日新晴蚤起有霧

改詩

寒雨經旬朋驢絕蹟客窗枯坐走筆成詩

鐙下書懷

夢醒

再補昔年橫塘權歌之闕得詩八首

待燕詞

葉澹遠堂是琮卿紫仙昆仲讀書處

將歸儲里燈下述懷仍步昔年耐老韻

范君君博以病懷詩索和即步元韻報之

買春

饒春

嬉春

惜春

夢見曾重伯太史

食素

三月二十七日春柳飼人枉過客齋賦此以贈

三月二十八日雜題

春歸夜作

初夏

重有感

風雨交作夜不成寐倚枕口占以寫旅况時四月十九夜也

種竹戲題

寄耐老

女游仙詩

客居

雨過

閨端陽詞

閒行

準擬

閏月二十日薄游滬上賦贈玉聲山農葆青兼呈小樓主人王松堂

懷門人蕭鶴儕 形勳

香光樓下荷花盛開冷禪春柳疊次書來招赴郭筒之會適逢小極未克趨陪賦

此謝之並豫訂澹社賞菊之約

感事

秋眺

早起

尋秋

八月十五夜病枕口占

橋上口號

九月十四夜對月感成

滬游雜詠

落魄

南城雜詠

客夜書近况寄耐老

懷甌碧館主

鐙

鏡

題新華春夢記

梨園四豔吟

卷六 癸亥

與客話詩人張野樓逸事

幾日

綠梅

紅梅

雪美人

泥美人

出門

悼鄭生夔川 坤廣

寒食日作

清明

俠客行

彈琴

鍾阜雲

秦淮月

鷓鴣女

華嚴庵悼衲雲和尚

勞勞亭是昔人送別處

登清涼山眺望

游滄園

同人擬游雨花臺因雨不果

車中望棲霞山

尋桃葉渡古址

過貢院前感賦

醉後口號

柴門

秦淮雜詠

舟行過方窰悼故友方菽臣

僧鞋菊萬壽菊非菊也而冒菊之名殆世所謂充隱者歟黃子惡焉因作詩以刺

之

七月十七夜四鼓夢登燕子磯賦詩題壁醒後遺忘數字急起桃燈補綴成之

中秋夜乞月詞

八月十六日自南城歸途中即目

苦恨

客中風雨夜

客中得璧臣書賦此卻寄

散步

十月初九晚歸自水月菴舟中口占

寒雞

寒鴉

客夜聞笛

奇冷

明月照孤榻

蠟梅花下偶成

冬暖

除夕感懷

除夕納賦晤松庵

卷七

甲子上

甲子元旦試筆

行篋中檢得七十歲小影率題一詩

生計詩

入春陰雨

病榻口占

愁魔

清明日客鶴沙城作

殷孝子詩

清漣寺卽事

早起望湖

孤山謁林處士墓

西谿秋雪菴賦贈無我上人

煙霞洞

蘇小墓

秋雪庵謁歷代詞人之位

甲子春暮居停湖上春潤廬排日出游飽覽湖山之勝臨別賦此卽呈主人朱潤

生

三月十六夜月明如晝借錦堂潤生泛舟至平湖秋月登岸散步夜半始返

小青墓歌

游九谿十八澗

石屋洞

水樂洞

放舟西谿抵交蘆庵謁厲樊榭杭堇浦兩先生木主追步清尊集中汪少洪邁孫

韻得詩三首

壑雷亭

向晚韜光寺茗話

自靈隱寺出小坐冷泉亭上

法相寺卽目

夜偕寄凡松庵過種芝山房聽蜀僧大休師彈琴

清曉步蘇隄上口占

再題春潤廬

謁岳墓感成

虎跑泉

飼蠶詞

卷八 甲子下

夕陽樓

焦山自然庵敬觀楊忠愍公獄中手墨

吸江亭是焦山最高處

游焦山觀陸放翁題名記

途中詠所見

林泉和尚塔院觀林公泉

松寥閣

鶴林寺

焦山周鼎歌

瘞鶴銘歌

游竹林寺

謁載公祠

游金山寺

樹雲

垂老

消夏詞

客中讀嘯古堂集弔蔣劍人明經

焦山之游惟別峯庵未到閒中追憶爲補一詩

閱瀛壖雜誌記壬寅之役上海楊典史慶恩殉難事係之以詩

長夏客中卽事

客窗雜感

與客談莫愁湖之勝

乞巧詞

顧橫波

李香君

雨後新涼閒步

客夜

野行書所見

甲子秋詞

題畫句句畫圖

甲子小春十日松庵招往觴菊適爲雨阻賦此謝之

淡社賞菊有感

題水仙畫

秋色

越二日又題一詩以質淡社諸吟侶

寄衣曲

甲子續秋詞步前韻

客中雨

十月二十五日淡社菊讌口號

鶴窠村人詩稿卷一

擣衣篇

淒淒復淒淒秋風凋朱顏閨人啓繡戶皓月如眉彎天涯起涼飈破鏡何時還韶光日以短寒霜日以嚴殷勤檢征衣縫紉纖手摻鐙昏孤堪絕漏長雙杵閒擣成覓征鴈和淚寄榆關榆關寄可到淚痕濕難棧夢中認金微鐵甲宵尙攬君行但平安莫悲山上山封侯會有日衣錦歌刀環

除夕客中感懷

客久方言雜年衰髻髮稀不才甘用晦多病劇思歸符爲新年換鑪仍異地圍繙塵應未染檢點舊征衣

客中聞畫眉聲

破曉人初起山禽已弄晴畫眉人不見愁絕畫眉聲

烏衣巷

上海黃協垣氏權著



斜日秋原草漸凋閒從古巷認前朝似聞燕子呢喃語王謝風流已寂寥

衰柳

一聲銅笛黯魂消禁雨零烟千萬條老我尙依桃葉渡送人曾繫木蘭橈無多敗葉凋
寒日剩向荒灘管去潮如此風流易銷歇白門何處問前朝
霜欺雪壓苦難支蕉萃風情竟若斯征馬一鞭荒驛外寒鴉數點夕陽時淒涼黃葉愁
中景寂寞紅亭別後思惆悵年時攀折處蕭條只剩晚烟披

除夜與荆人閒話

與爾齊眉久嗟余抱道窮歸仍鸞廡寄貧到鶴糧空短鬢搔逾白衰顏醉暫紅分無媚
灶術且作信天翁

客有勸余應秋試者賦此答之

雪泥六度棘闌留漸漸霜添兩鬢秋昔已怯風如宋鷓今尤喘月類吳牛殘兵荷戟成
何用老女簪花亦自羞只有秦淮名勝地尙思打槳作清游

鶴塘志感

聽到春鷓淚欲流一盂麥飯奠荒邱傷心烏哺何年報游子歸來已白頭

清明展墓志感

大地傷離亂餘生歷苦辛有家仍作客多病怕逢春煙柳愁中景風花夢裏身松楸久
睽隔瞻拜淚沾巾

鶴塘棹歌

扁舟一葉泛平湖郎采蒹絲妾釣鱸何處更尋張翰墓秋風寒色滿菰蒲
晉張季鷹慕在新場見乾

前京建自梁天監遺蹟依稀近鶴村猶剩斜暉掛喬木巍巍百雉已無存
古前京城築天監七年築

宋許尚詩云蒹葭皆無有依稀古雉存登臨認遺迹林莽暮烟昏今則所謂古雉者已蕩焉無存唯見斜日平原荒烟蔓草而已

神絃詞雜竹枝歌春社家家笑語和齊說晏公留古廟更無人問紫薇河
紫薇河在北市葉家山下

今晏公廟其遺址也

報恩寺圯已無僧龍象由來有廢興獨惜趙王孫手蹟祇留殘石冒枯藤
永寧寺原名報恩懺院有吳興趙子昂手畫碑記今寺圯而碑石亦仆矣

倭打戰橋高鬼鬼下有倭子墳幾堆聞道當時薩摩寇西風曾掛錦帆來倭打戰橋爲前明少林寺僧兵禦倭寇處今誤爲胡打龍橋橋畔倭子墳蓋當時所築京觀也

親見桑滄倏變遷搵將船派撥銅絃南潯河水明于鏡誰弔詞人黃九烟湖廣黃九烟以詞曲名于此明季避國寇之亂寄居石筍里時邀遊江浙間及聞大清定鼎即自沈南潯河以殉

受恩橋接閔家灣玠右高風杳莫攀道是唐堂手刪定至今遺集重鎌山國初高士王光承字玠右隱于新場力耕自給婦翁閔峻割宅居之著有鎌山草堂集華亭黃石牧太常序而梓行

千秋橋枕古江潯望月深宵思不禁默祝常儀化明鏡照儂顏色照郎心千次橋在市東高可十數丈夜間月色甚佳

夜坐蒲團曉策筇近聽梵唄遠聞鐘郎來莫怪迷幽徑時有丹緞洞口封丹霞洞在永寧寺後相傳麻姑仙子曾示現于此近有僂婆夷誅茅結菴月夕風晨梵唄時作地極幽僻人蹟罕逢

重門列戟舊金張廳事高題觀略堂會荷聖人親灑翰至今猶帶御鑪香市南觀略堂爲閔氏舊第堂廟所賜扁額尚存

草長朱門薜沒階携朋訪舊過西街紫籐花謝東郵死誰話當年悅學齋悅學齋爲葉恒齋中韓讓

壽處朱東郵先生集有恒齋招飲紫藤下送春五古一篇

一鉤新月製香羅姊妹相携綺陌過怪底踏青鞋樣巧阿儂家住繡花坡繡花坡在顧東欽志謂顧其何所見而云然

短短疎籬澹澹風年時人面此門中如何三月桃花水流過紅橋便不紅洪福橋在市中西俗呼紅橋

南山晴望鬱崔巍相約尋詩上翠微紅葉滿林藏古寺夕陽影裏一僧歸市南里許有南山寺焉門外石街傍水楓樹成林秋老霜濃深紅似錦誠天然圖畫也

綠天館是白雲關只許幽禽日往還不是隨孃上墳去弓鞋爭踏葉家山綠天館在北街國朝葉銘所居人以葉家山呼之實則無所謂山只一灣流水古木參天而已

宵依佛火誦金函曉出耘田過澗南好是木棉花發處竹籬曠上素農菴素農菴在初橫港上國初隱士姚樹棠所居華亭黃石牧太常有記菴今廢

西風金粟燦成堆恰值江南蕊榜開爲是祝郎文戰捷康園親折一枝回康氏蠟巢園在初橫港上國初隱士姚樹棠所居華亭黃石牧太常有記菴今廢

分水墩高水接雲送郎到此日將曛願郎莫似墩前水纔得交流便又分分水墩在鎮西

綠窗風細繡簾飄愛琢新詞倚玉簫莫問朱闌舊明月潘郎暮草已蕭蕭明季鶯湖女
游展此句留東風夜雨三更夢南浦春潮一葉舟怕見桃花臨水笑那堪楊柳帶烟愁
何時真作西湖客揀个青山日倚樓雲山人潘印橋嘗賦詩形之比之白下鄭如英云

妾家家住石頭灣灣水清魚可拔雲黑如山雨將至與郎同唱棹歌還石頭灣在郎家弄西二里

許相傳即古之石筍灘村民三五家臨水結茅絕不見有灘邊石筍矣漁人截流張網俗呼之曰拔魚

送春

魂消南浦綠沄沄珍重東皇袂忍分宿蝶有情猶戀我落花如夢總思君紅心草弱春無主藍尾林深酒易醺就說韶光暫留住不堪西日已斜曛

病久二律

病久疎朋舊柴扉盡日局澆花晨汲井行藥夜觀星老我書中蠹依人水上萍愁多難自遣閒步到中庭

未俗難爲客衰年苦厭兵如何燕代水猶作鼙猶聲世亂衣冠賤途窮性命輕只應千日酒一醉了餘生

題白門黃瘦竹上舍掛竹圖

柯亭有良材半作棟梁半邱壑東隣西舍游俠兒昨日豪華今濩落男兒意氣頗自雄低頭肯作號寒蟲我有金屈卮奉君君勿辭與爲媚蝶恣輕薄甯效孤風翔寥廓淇泉之水清且漣淇泉之竹幽且娟鸞吟鳳嘯頗絕俗對君長揖心悠然散髮狂歌非鬪醉披襟入林聊自賢竹君竹君休厭薄不材乃得全其天君不見南山有杞梓匠石揮斤久環視

錫君以渭川千畝之良田晉君以淇泉大夫之芳銜君復漠然意不屑毋乃世網愁拘牽丈夫千金慣芥視祇合輕經堅素履歲寒自葆凌雲姿舍此他求計左矣

浦江賽船歌

溼雲如羅窰荒渚風荻蕭蕭作人語迴颺捲水水生波扁舟跋浪輕于羽一舟衝激喧晴雷十舟五舟銜尾來俊鷗捎雲燕掠水禽楮噙闔蛟宮開狂濤萬斛憑空瀉飛將軍疑自天下紅旂霍霍陣雲深千人失色同驚詫斯時畫角鳴鳴鳴斯時鼓掌聲如霆虬髯碧眼互歡笑葡萄之酒飛瑤觥我聞西人喜角力每與蛟龍爭窟宅九萬重洋一葉

舟鳴暗陸變風雲色卽今握算偶得閒猶自飛權爭輕儗豈真好事愛徵逐要與魚鳥同其頑雖然盛世格蠻蠻不重武功重文德陸地行舟亦等閒使船如馬誠何益何如樂敦樂雍容樽俎周旋勝折衝海不揚波志盛事黃支烏弋盡來同

秋宵

萬籟此俱寂秋宵獨坐時因懷采芝客閒誦望雲詩簾密留香久檐深得月遲呼僮窗外看叢菊露痕滋

詠錢

流品奚煩十樣分出鑄總覺熱如焚徒令阿堵堆千貫幾見書生值一文鄧氏山高愁壓我阮家囊澀始思君如何陋巷簞瓢子鎮日呼兄竟不聞

花朝坐雨

碧闌干外繡簾飄潤逼鑪薰膩粉銷人在雨絲風片裏最無聊賴是花朝

兩夜聞鐵馬聲

此是錚錚鐵多年鍊冶成何堪檐下寄時效櫺中鳴風雨帶寒夜宮商存正聲莫嫌苦

鏽蝕房馴應星精

曝書

爲恐巾箱老蠹盈自鋪藤席曬縱橫笑僂坐擁書城富也算持籌過一生

己巳歲暮偶成

街頭臘鼓響登登瑟縮寒宵睡未能贏得郵童遙指點竹間猶露讀書鏡安排退筆與殘牋燈火深宵祭浪仙莫怪詩情澹于水蘆君一勺是清泉卅年苦志劃殘灰耐盡饑寒耗盡才爲是聰明例貧薄逢人翻要買癡狀殘冬已過又逢春陋巷居然淑氣新一洗書生寒乞相戲調朱綠畫門神

行路

鬼門關外陰風號白日慘澹黃埃高飛砂漫天當晝晦聽輪刮面銘于刀中宵鬼燐出幽谷寒林月黑啼鴟鴞狃狃笑面誘人噬白骨齒齒如陵泉下有死海黑風惡妖鯨噴血飛腥濤修蛇短蜮嘓牙齒赤睛睜睜蟠山坳人生到此魄已散零魂歷亂誰能招側聞江南萬花峪地盡錦繡山瑛瑤芝楣蕙楊漢臺榭元狐紫鳳秦復陶葡萄葡萄酒泛夜光

碧紫駝峯膩流瑤膏三千賓從富珠履纖兒媚子工談嘲江南之樂樂何極世人豔羨如仙曹君獨胡爲出門去輕視性命如鴻毛爲言家鄉植離亂錦帆匝地烟塵囂况復我道丁阨運萬方一概將焉逃卽今胥幣飽魑魅猶勝姓氏埋蓬蒿聽歌行路難一曲仰視星斗光搖搖

幽居

一笑離塵網幽居玩物情砌蛩渾似語庭草半無名地僻人稀到心閒病自輕只愁年歲儉穀價未能平

老女詩

鮮翠從新貼靈蛇作意盤自臨明鏡照終覺入時難
蒜髮頰添白渦梨久洗紅枯楊華謝盡何事媚春風

陶家巷天主堂是詩人蔡竹濤故居庭有老樹數百年物也今已摧爲薪矣

苔封委巷樹圍邨聞說幽人此閉門誰使景風扇聲不淨土祇餘冷月吊詩魂薪摧楹社

猶狴竄經唱蓮臺鼠雀喧賴有馮驢敦古誼一編梨棗至今存

先生詩集經詞
墨香學博刊行

一笑

纔拋蝶枕便魚竿一笑閒中歲月寬白髮漸除名士習黃蘗已慣腐儒餐有書可讀貧何礙與世無爭夢亦安任是風波滿天地江鄉至竟少驚端

浪蹟

浪蹟紅塵百不如且從花下閉門居癖耽詩畫偏拙老憊貪噴愛未除小有因緣媚泉石久將姓氏溷樵漁閒雲那有爲霖意只合隨風自卷舒

讀張野樓餓餘集

生逢海甸承平日何事西山采薇自是詩人樂衡泌非關素志與時違

光緒三十有二年十一月十五日詔升孔子上祀曲園太史賦詩恭記依韻和之
龐雜羣言紊紀倫紛紛龍戰象疑坤欣逢綿蕝儀新定始信章縫道自尊九奏金絲聞魯壁數行綸綉出堯門從今芹藻鸞旂裏俎豆莘莘棄葉存

人日

今日是人日索居誰與怡不成煎餅會空憶草堂詩薛砌蟻爭穴梅窗禽語窺香闌兼

粉陣惆悵說年時

張功父賞心樂事人日有燈餅會屬楚
樹人日游南湖詩香閣粉陣憶詩仙

上巳後二日爲膠孫試醉喜而賦詩

試醉休祥集分甘笑語溫午過蘭被水喜見竹添孫戈印爾先挈詩書吾自尊
休忘祖庭訓黽勉振衰門

夏子昕渠爲苜城張女士徵挽歌傲長吉體應之

蘭缸影閃銀罌恩鷓鴣啼上青棠枝封姨惡薄謝仙暴老蟾嚼斷黃金絲
湘纍痛哭天胡醉露盤紅滴銅仙淚人間果有短命花一霎春紅便憔悴
我騎青鸞凌紫雲欲灑鴟血籲帝宸黃金屈戌青瑣闥烏龍如豹聲
狺狺東海揚塵海枯竭旄頭悵望星明滅蘭風桂露零寒烟秦箏淒咽秦娥泣

食蟹戲吟

玉液浮匙膩金膏溢殼香將軍不負腹公子已無腸
佐汝以芳樽持汝以左手尙憶草泥中郭索橫行否

新晴

推枕見晴旭歎深狂欲呼風高乾鵲喜日暖凍蠅蘇曬藥階猶溼添薪葉未枯
莫愁烟絕卯飲且行沽

除夕讀吳昌碩後岳廬詩

故人吳季重吏隱滬江涓自署寒酸尉能爲磊落辭苦險應類我衰病欲依誰
斗酒謀諸婦陳編一祭之

反祭詩吟

莫向詩壇張我軍崔郎筆硯久思焚樊川落魄湘東死崇盡才人總是君
酬君無物對君歌守歲其如歲去何一笑詩仙應祭我早年雙鬢爲誰皓
梨花釀熟甕頭春一勺移來几案陳合酌紅螺酌湘管被君驅遣作勞薪
還是詩能慰索居如何竟作絕交書生愁來歲文魔擾又累先生賦子虛

游仙詩

一幅芝泥出上方承恩改作內家妝飛瓊纔受真仙誥便笑麻姑鬢已霜
只合人間作老饕枉從詞伯列仙曹紅虬學脯親承賜猶竊綏山半熟桃

玉笛吹殘閨苑秋，羅衫葉足風流。如何謫向人間世，還許芝田跨鶴游。
扇影花香亂不分，一雙仙蝶戲斜曛。玉妃指向雙成笑，原是君家舊舞裙。

客中

狂風吹送雨連宵，人與疏鐙共寂寥。自是客中聽不得，非關窗外有芭蕉。

題于香草石上獨坐圖

嫩涼拂拂做秋天，正好攤書自在眠。何事情禪參破後，又從石上坐枯禪。
君楨有石上
意蓋

少年影
事也

百歲筵開笑語親，風流絕世兩詞人。天生蔣詔多情甚，特倩公麟爲寫真。
君今歲君與蔣
君閔翁合慶

百齡亦詞
壇佳話也

聞蘇子熙宮保元春賜環之信喜而有作

豸虎誠貽禍，投豺已感恩。更聞丹扆詔，猶雪白頭冤。絕域風沙色，餘生涕淚痕。微臣功
與罪，那待蓋棺論。

遙呈楊古醒先生次卽席口占韻

何須洛下會耆英，鷗鷺蕭閒且結盟。小闌詞場留月旦，老修花史託風情。卽今大地金
甌缺，祇剩長江鐵鎖橫。憑仗中興振奇策，如公豈合以詩鳴。
何翽金陵詩由來天賦是
虛名何用千尋鐵鎖橫非

也視韻

重九日病中悼亡友張心一明經

佳人渺何許，觸緒怕登樓。細雨菊花病，繁霜楓葉愁。餘生悲逝水，瘦怯影涼秋。爲有重
陽約，憑高涕泗流。
今夏予自浦西學舍歸于香草明經約偕心一假文星閣爲重
九登高之會今者心一已作古人予亦適獲小極此舉遂廢

吾里南山寺疎林幽渚秋色頗佳別此已三十年矣追憶成詩不勝感慨

林缺紅牆映夕暉，尋秋記叩遠公扉。銜蘆沙鳥衝烟去，拾橡山僧踏葉歸。古磴霜濃楓
欲醉，疎籬雨過菊初肥。他年許借蒲團地，願脫儒巾換納衣。

筍里懷舊詩四章補鶴塘權歌遺闕也

散帙書連屋，開軒月滿墀。論文類翦燭，束髮記從師。往事真如夢，端居有所思。哲人今
已萎，何況舊亭池。
池上樓在西市予幼時從吳
季筍師讀書處師下世已久

石碣聳岩嶢，高門姓氏標。集誰徵一品，蹟已閱三朝。諫草今何在，孫枝久漸凋。思攜一

樽酒寒食暮前澆跨市街有石牌樓爲元時朱氏所建類曰三世一品國初裔孫燕庵名紹原者官給事中而諫有聲合肥肥芝麓尙書序其奏議行于世

指點雷音寺來游記我曾看花晨捲幔禮佛夜燃鐙自變桑成海唯餘草滿膝昆明灰

散盡浩劫話胡僧市西雷音寺燬于赭寇之亂

滴翠軒重過追維舊典型丹心酬聖主白首抱遺經自得詩書味獨延松菊齡不才慚

瓠落孤負眼垂青葉東軒明經爲忠節公蒼霞泉使棧人忠節殉武昌之難高廟御書風旂之文曰丹心炳冊滴翠軒在洪福橋南明經著書處也

寥落

寥落風前絮蕭條鬢上絲得歸仍似客因病漸知醫先澤餘枯捲殘生厭鼓鼙傳聞故

園菊霜露已離披

蓮島盍簪吟三十四首

岡本黃石 迪

脫却朝衫換薜衣尋詩閒坐釣魚磯西風吹鬢黃花豔笑指柴門曳杖歸君會仕於某諸侯侯爲家

老罷官歸隱日以詩酒自娛蓋年已九十矣

重野成齋 安輝

君是先朝舊董狐畫披芸帙夜操觚不知官閑宵寒甚可有人貽半臂君以文學博士領修史局

事年逾七十猶淫詭染鬢自諱其老故以宋子京事戲之

土方秦川 久元

携樽閒過美人家官鼓沈沈夜散衙醉解金貂潑殘墨一庭香雪寫梅花君現官宮內省大臣曾與

余輩夜談長陪酒微花諧笑開作酒酣爲諸麗人各畫梅花一幅畫成孫君子與即振筆題詩追客散而已銀燭半消乳雅啼曉矣宦海樂事可多得歎

岸田吟香 國華

早搜祕籍訪龍威老守丹爐閉石扉手植寒梅倚書幌一天風雪萬花飛君富于收藏于書無所不

蒐中年以後以懸壺賣藥謀于市幼時讀梅上植寒梅一株今已老幹輪困矣人咸以吟香呼之

三島中洲 毅

鶴髮飄蕭侍講筵儒臣已屆古稀年似聞殿陛敷文德不進周家采芑篇君以文學博士起家現充

講官

石川鴻齋 英

謝盡櫻花四月天客懷寥落枕書眠聞君詩畫書三絕忙蕪心香禮鄭虔君家于小石川以詩鳴于

時書畫亦絕工願
皆為詩名所掩

松本蘭疇順

少年深闡靈蘭秘醫國方成賦隱居為是忠臣慘屠腹累儂哭倒紫芝居
君子明治維新之初即以
泰西醫術提倡後學後仕至軍醫總監正一位勳二等致政後與高松保郎設愛生館
賣藥濟人嘗邀子輩觀演忠臣庫一劇至淺野諸侯無辜屠腹家人七十三人起義生館
仇次第就死事不覺熱淚頻揮衫袖俱溼柔腸俠骨君
殆以一身兼之乎芝居日本劇場名亦有作紫芝居者

岡本子博 監輔

獨出奇謀策萬全目光如炬筆如椽一擊終應醒多感先生贈鐵鞭
君著作等身刊行者已數
十種近撰鐵鞭二卷意蓋欲警醒中日
兩國使之唇齒相依殆今之有心人歟

岡鹿門 千俣

柔史剛經費討論高吟時復動乾坤名山獨抱千秋業頗學龐公隱鹿門
君邃于經史之學開作五
七言亦頗高簡淡
雅鹿門其自號也

鄉五三 純造

平泉花木足清娛垂老投簪賦遂初別有風流天付與典籤新得女相如
君仕至大藏省次官正三

位年七十致仕家居築別墅于向島之畔頗曰隨意莊花木幽深紅塵不到家富圖籍
尤喜印章秦銅漢玉下及近代文三橋何雪漁國朝汪啓淑蔣山堂丁龍泓輩所鑄多
以千萬方計家有四妾皆明慧知書庖讀添香風情不薄嘗鑄
一石章文曰多富多壽多男子濃福消才誠哉一時無兩矣

田崎 龜谷省軒

記得良宵敞別筵江樓春盡柳飛綿落花蝴蝶皆如夢獨向深林拜杜鵑
君詩高古幽秀頗學楊誠齋而無詰屈攀牙之習嘗會同志百人餞于江中村樓刺燭柱詩有密樹啼鶯月色愁之句星使黎公劇賞之

向山黃郵 榮

芒鞋踏遍萬山秋竹杖挑雲返故邱一笑兒曹能殺賊雄師十萬領貔貅
君亦詩壇老宿閉門覓句意興蕭然嘗編某君弱冠從軍現任海軍少佐為某兵艦長

日下部鳴鶴 東作

曉寒題罷衍波賤倦對青山跛脚眠新製米家虹月舫煙波隨處小游仙
君以文學受文部省秘書官長年未四十即解組出游工書為通國冠所至之處以緜素乞染翰者趾錯于門詩亦清俊無塵俗氣曾漫游至我國秦淮虎阜題詠良多其秋日西湖雜詩尤為士女所傳誦

中林梧竹 隆經

鳴鶴詩人詩高卷一

破帽殘衫出故關沙黃草白石屏顏輸君匹馬長城外獨立秋風飽看山君以書法與鳴鶴及巖谷
一六齊名廿年前航海巨我華匹馬短衣遊覽長城之勝嘗有句云萬里長城揚提唱里山
行人終日白雲間說者謂風格不減王龍標秦時明月一詩特無人爲之掄揚提唱致
令留深而歸亦一大憾事也

圓山大迂 真

力守斯冰舊宗派老迂作計未爲迂憑君且攔吾邱筆替寫扶桑濯足圖君以鐵筆開于時亦頗能
詩山水學四王力守正宗不染時習家貧挾其技游滬上無顧問者不得
已返熊木依門下士某君別十年不得一音耗東望海天相思成痼矣

奧蘭田 元寶

曾揮椽筆闢詩天小隱何妨寄市廛收拾印材兼畫本一編風土記鹽川君擁資百萬以長袖善舞
稱顯辭賦風雅詩畫皆妙絕一時著有鹿川紀勝一書廣蒐川中土木竹石印材
儼以名人畫幅刊行于世人爭購之鹽川爲君別業所在秋風紅葉景色尤絕佳也

永坂石球 周

玉田詞筆玉臺詩略記前身住玉池莫向東風祝紅豆櫻花三月最相思君詩酷效溫李風流躋旋
豔絕時流與深川竹谿森槐南二
君唱和尤多玉池生其自號也

高松雲鏡 保郎

獨上金鑾振臂呼刀光一瞥血模糊即今寒食沱江上誰酌梨花弔郭朱君少年任俠有友以無罪
見收將屠腹矣君即自斷一臂獻于大將軍爲之贖命由是義聲震一時願其人弱不
勝衣與人言咄咄如處子見之者不知其爲朱家郭解一流人也歿後無子家業已凌
替殆盡墓門宿草蓋不禁泫然涕零已

草間 時福

山青水碧足風流曾向崎陽載酒游何事奉錢拋十萬句人春夢落揚州君任爲遞信省書記官嘗
因公過長崎有句云廿把俸錢拋此地山青
水碧似揚州亦年少多才風流自喜者也

藤田排雲 重遠

十年古滬舊停車觀海新乘使者槎想見酒闌銀燭施一篇香霧詠臺花君曾客滬江酒社詩場與
會繼舉後仕于臺北借刑曹裁判官臺灣地燠花替四時不
凋乾隆朝杭人聽筆者隨官至此繪有臺花吟卷故借用之

寺田望南

早聽粥鼓夜蒲牢爲悟三乘棄六韜殘月半簾清課罷戒香薰透舊征袍君以武功起家任子陸軍
省迨余遇于滬上則已棄官爲僧矣

永井禾原 久一郎

萬里來觀海上風持籌暇卽理詩筒多君別有休官樂銀燭清樽賦比紅君任至文部省次官中年
解組爲滬上郵船會社長暇則評花門酒刻獨
慶詩楚館秦樓題詠殆遍計其年未四十也

高安 知明

癖耽世外高人傳愛輯醫林本事方採藥歸來閉閉戶松花和雨落琴牀君以醫自隱人鮮有知之
者家中圖書彙鼎不染纖塵日唯以書畫
琴棋與二三知己相娛樂誠世外高人也

村瀨藍水

紅榴照眼節天中記向徐園印雪鴻椽燭兩行花四壁醉揮腰劍吐長虹君姓源裔出前大將軍源
氏村瀨其氏亦善畫山水寓滬有年嘗于重五日謠余輩于徐園鴻雪
軒酒半披劍起舞舞藤田排雲歌賴山陽出塞曲和之四座爲之神旺

森槐南 大來

未解臨池策墨勳獨從詩國張吾軍白團扇子圓于月醉墨狂飛絕憶君君書不甚工而獨工于詩
天冠時已爲通國吟壇之冠夙爲伊藤春畝侯引重擢充內閣秘書官年十六即著海
天春傳奇後隨春畝侯來華觀光有西苑紀事四章人比之唐人早朝大明宮唱和詩

焉什

北條鷗所 直方

看花側帽生平事偶向宮城學治絲豈是引經能折獄月明松島爲尋詩君年少風流顧影自哀薄
游滬上者四載與潘少舫何桂笙畢玉洲諸君詩酒流連殆無虛日泊歸卽任宮
城縣刑事豫審官松島石宮城海上疎林掛月瘦石俯波秋夜觀之風景尤絕

檜原子德 陳政

會從僉老受遺經躍馬沙場戰血腥夜半月明猿鶴嘯詩魂應繞語松亭君幼從曲園太史受經歸
則度地上野築室以居顏之曰語松亭某几湘簾讀書樂道意蓋不屑爲五斗米折腰
矣既忽仕于外務省隨使節來我華適變起妖峯京師鼎沸君以書生思禦外侮遂致
畢命沙場悲夫

秋山儉爲 純

記曾滬水結鷗盟舊雨相逢一笑迎閒共德川祠外過澹煙衰草不勝情君來滬學書受業徐袖海
上舍門下泊余浪游江戶君已先歸夢影重溫清驛何極德川將軍祠凡六皆在上野
今雖日就零落而雕甍畫棟巧奪天工法服乘輿儼如帝制憑弔至此猶想見當日勢
餘之蕭天焉

鹽川一堂 鵬

朝揮筠管寫雲煙夜權航船醉綺筵却被君家占雙絕酒中仙與畫中禪君夙承家學工畫山水近
客尋陽求者當屢盈戶外也

鈴木秋萍 虎太郎

橫梁高吟倚柁樓戰酣一躍赴清流劉公島外淒涼月可有英靈跨鶴游君幼入海軍學校既卒業

即赴天龍經爲士官劉公島之役天龍燬于炮火君已遇救義不獨生仍覺身入洪濤以殉君雖出身行伍獨好爲詩能學老杜而得其神髓嘗謂余吾國朝野上下類皆好大喜功將來戰事一與必無葬身之所徒以有老母在不得不謀升斗以繼養殮耳言大略可將來戰亦爲無然者久之未幾果歿于王事嗚呼哀哉當赴難之初曾以小影寄余今尙置敵篋中計其時蓋年僅二十有四也

森川竹溪 健藏

詩情鷗夢兩忘機淨綠湖光慘綠衣怨殺吾妻橋畔月照人歌舞送人歸君年少美豐姿工愁善病

蓋衛洗馬一流人也嘗就東京結廬夢吟社月出雜誌一編亦工詞清麗芊綿與國朝納蘭頗類後身媲美其亦善于言情者歟

河野 仙郎

文雕蝌蚪紐蟠螭寸鐵千鈞信有之聞道白山新破敵元戎教刻紀功碑君精于篆刻之學亦工小

品文字與之筆談洋洋數百言一揮而就洵少年末易才也

野口小蘋 親

賣珠補屋未嫌貧妙腕能生四壁春淡淡鉤花濃點葉心香私蕪沈南蘋女史畫山水細線入微雅

淡無塵俗氣間作設色尤足觀武南蘋間闊多才我于小蘋而益信

鑽林阿花

裙蹙湘波軟霞蓬萊深處是儂家餐花妙句簪花格如此佳人合姓花阿花日東歌妓也能作擘

竄大字筆情恣橫而仍結構謹嚴真奇女子也間作小詩亦頗楚楚有致

殘秋

經旬不出游風景條殘秋行藥路忘遠隔林谿更幽詩尋黃葉岸煙鎖白蘋洲日暮沿村返寒蛩起客愁

除夜讀奚申伯燕子吟

梅塢曉餐雪竹龕宵祭詩忽來青鳥使遙遣綠麋詞芸葉題籤豔桃根擊楫遲似聞雙燕子花底說相思君博游瀝上方有在東之詩

求雨謠用韓昌黎陸渾山火韻

義和失職乖雞渾縱鬱悠氏竭澤源老農力竭聲暗吞懸耜僵臥當茅軒起視禾棉焦如燔龜坼不分隰與原夜望招搖星指坤赤芒怒煽燒朱垠欲瀝微忱籲帝垣心怯虎

豹蹲天門扶桑日出光溫暎桔槔足踏捷如猓安得大海起潛龍凌雲上儕翔天鷗鞭
筭屏翳駭且奔龍君不敢妄自尊急翻狂濤注田園桑麻得此潛滋繁跳珠餘響猶
喧厥聲如鼓篋與瓊爰剪紙作五綵靡罔惜冒暑露徹禪汗流浹背日曝鬢前軒後
楹神輦邑中無賴子託神祈雨昇寺院偶象 擬金伐革衷褰韞略設皂蓋并朱轡青龍
鏡雜黃龍帑更陳雉兔爲脈臚萬頭攢動若蟻屯強索糖露傾瓦盆祈雨者糊五色紙
作龍鏡多以百計
以砂餅點茗供飲有不予者必肆性毀其家具 旋獵酒肉同開罇將兩張神名曰謝既
必飲鏡市中以資大
嚼上帝赫然施責言汝曹莫冀天瓢翻東海冤獄雖可反神怒難逃兩目睨那得膚寸
起石根甘澤普降生稻孫汝唯重跣生足跟搏顛流血求天恩天心庶或憂黎元大顯
神力以手援茲游戲耳安足論妄冀兩師下九閩不燬汝廬成焦痕必令巫陽褫汝魂
汝試自問有何冤汝之錢鏰今尙存汗珠粒粒皆盤殞汝第相約姻與婚兼及同井弟
若昆挽棉灌禾歧復躡覆雨莫待雙鶴騫我今語汝休煩怨擊水會有南溟鯤飛泉百
道來昆侖慎勿擾攘效彼昏搜掘旱魃舉火焚我言止此非憚煩要汝清夜將心捫

鶴窠村人詩稿卷二

上海黃協 式權著

放亭遺址懷李高士

孤亭一水環小隱隔塵寰故國悲青兕餘生付白鷗鑿詩呼月下采藥撥雲還莫話南

吳事荒池夕照殷高士後客禾中著
有南吳舊話錄

荷花鴨詩僧鐵岸曾駐錫于此

荷花依舊紅詩僧在何處不聞遠寺鐘但聽鴉啼樹鐵岸著有芬陀利室詞話其自題
詞集云綠酒獻僧鐘獻佛青樓聽

晚爲弟子員言辭梵王宅笑問芬陀花何似支機石兩寺聽鐘風流放誕可想而中
年忽返初服同邑支
氏以女妻之名機自號靈石女史亦工詞故戲及之

橫塘欸乃曲

阿儂家住水仙塘但種菱菱不種桑苦勸狂郎休打鴨怕驚塘外野鴛鴦
大姑踞舫炊雕菰小姑舉網扳銀鱸相逢笑問昨宵月照見橋頭玉蟹無
踏青莫上葉家山打魚莫過方家灣與郎灣頭一爲別恐郎網得西施還

上方山下路迢迢禮佛心香一瓣燒更買田螺放生去觀音生日是今朝
紅霞一片夕陽烘儂看桃花郎看儂池上樓頭暫相別衙前橋畔又相逢
約種胡麻趁露晞水田方罨似僧衣只愁橋上紅娘子抵死留郎不放歸

元旦作

日捧黃人麗衣披玉女鮮欣當衰朽日猶視太平年話兩三農樂占星五緯聯小臣歡
且抃拜手頌堯天

盡日衙門掩琴書只自娛檐花經雨落庭草得春蘇甕乍開新釀詩還積舊通醉餘閒
弄筆濡墨篆桃符

舟夜

井亭纔過又茶亭啞軋中宵擄未停風攪叢條墮栖鶴星浮遠水誤流螢繞卹殘柝催
更轉囓岸鶯濤撼夢醒指點肩墩應不遠依微鐙火出疏櫺

題花妖圖四絕句爲鶴卹詩隱作

嘉慶初妖婦黃囊仙寇檣滇蜀邊境大府檄水西土千戶龍么妹助勦經年始

平

桃花顏色荔枝年也解跳刀寇蜀邊此是花中黃茉莉惹人嫌惡忤人憐
黃茉莉西藥名花頗強而毒甚服之能殺人

齊二寡婦爲白蓮教匪餘孽

風姨月姊閒無事相約投壺玉女家引得美人星一笑海心齊現白蓮花

粵逆洪秀全之妹名宣嬌細腰纖趾每戰輒躍馬立陣前嘗與人私爲夫其所
見託言天兄耶和華附身數其罪咎之其夫伏地忍受

衆裏登壇誦梵詞耶和華正附身時麻姑爪弱難搔痒枉遣粗荊背上笞

紅鐙女子未詳其姓氏天津楊柳青土妓也或曰舟人女拳匪之亂自言能夜
提紅鐙飛行至歐西燬其城郭軍艦制府裕祿信之迎入節轅具朝服向之行

三跪九叩禮焉

魚子青縫鞞韜鮮宵鐙紅過戟門前阿儂身是西天佛生受香花頂禮虔

賦得枯樹

回黃轉綠幾經過誰更荒崖縱斧柯苦歷滄桑剩皮骨久捩風雪偃巖阿劫餘枝葉摧
燒盡老去文章詰屈多聞道建章方改築名材爭自獻鑿坡

小游仙詩

得意雲中大胎毛曬未乾自偷丹鼎藥翻欲吠劉安
罰守龍威籍烏龍亦自仙琳書縉未半失笑李青蓮
仙家弄狡獪撒手便成珠誰識麻姑米偷從太乙廚
鎖住天台路層層五色霞任他劉阮輩洞口喫胡麻

六月三日雨寒甚

狂飈送寒至盛夏忽成秋殘溜斷還滴凍雲凝不流草深蛙喑閣林暗鳥鉤輞昨已逢

田父喃喃怨孽收

棉禾皆熟連日
陰雨皆委黃矣

熹地

熹地驚烽信傳從鄂渚西紛紛槐國蟻擾擾甕天雞但得融冰炭何勞動鼓鼙如何飛
將出只說戮鯨鯢

鷓蚌爭何益熊羆勢莫當大軍方虜虎岐路已亡羊割地羞難浣輸策豈臧猶因未
稱姪得做宋屏王

滬江紀事四首

破釜謀先拙然其禍未終似迷蕉鹿夢祇逞芥雞雄望氣軍容墨與尸卦象凶南風真
不競失計笑元戎

樓閣矗巍峨中藏礮械多嚴關屯虎豹巨艦截蛟鼉設覆軍旂偃乘虛敵壘摩烏江總
難渡四面楚人歌

淞南一片土塵市若雲屯熹地哀鴻集幾同挺鹿奔拋戈憐敗卒失路泣王孫誰設黔
敖食餘生盡感恩

聞道吳淞口爭屯水陸師移家乘黑夜宣戰揭紅旗天塹誠巖險民生要護持如何兵
到處遍地是瘡痍

滬濱行用高達夫燕歌行韻同雪經作

蒼頭突起龍華北萬口齊呼討民賊中宵礮火捲地來頃刻風雲慘無色此禍起自滬

陽關由皖延及江淮間旋借滬濱作戰地彈如密霰屍如山城南一片乾淨土千點萬點飛紅兩將軍談笑與益豪手奪盤弧陣前舞一鼓作氣再不衰濟師只恨舟車稀誓揮鐵槩掃強敵枉設青綾解議圍萬家蝶夢驚回久爭逃恐落他人後路險渾忘棘刺膚風高那顧蓬飛首墮珥遺簪無地無折肢斷脰有時有動地哀聲咽鼓笳衝天殺氣昏牛斗吁嗟乎枯棋殘局日紛紛南北爭誇革命勳欲覓桃源避秦亂江湖滿地是逃軍

步雪洲七月朔日晨起偶作韻

醯雞擾擾甕天中角利爭名處處同獨我癡聾渾不識任他人笑阿家翁

擺脫黃塵兩鬢煙數椽歸隱枳籬編迷花醉月生平事頗學風流孟浩然

元稹天錫詩歸來却被青

山笑高丈黃塵兩鬢烟

孟蘭盆歌

胡僧目碧鬘髮卷左右侍者班聯鵷香花馥郁夜寂靜蓮臺跌坐宣真言黃沙亂灑鏡燄碧鬼聲嘯出枯楊根一鬼頭如五石瓠向人巨口張血盆鬼公鬼母躡其後隨以鬼

子兼鬼孫繞臺啾啾嘯不止似訴地獄飢腸燔僧持鈴杵大聲喝汝毋搜我般若門我以甘露沁汝腑更以寶筏度汝魂急捏真訣畫饅饅手揚五色蓮花旛鬼乃雀躍笑且去不復啾嘯如蛩嘖須臾羣鬼雜沓至欲哭不哭聲暗吞或飲巨彈碎其體或餐利喪其元斷股折足蹙而走血花飛濺腥風噴爲言前日滬之戰前軍已覆無後援大師走匿士殲盡坐令膏血塗荒原卽今旅魂歸不得青燐夜哭天爲昏老僧聞之淚如霰謂汝且莫鳴煩冤促焚紙錢施去聲法食陰風索索靈旂翻

歸自新場舟中口號

千搖萬兀出新場啞軋聲中過沈莊兩岸荻蘆人不見載將愁緒滿歸航

野行

野行三五里一棹入秋葦殘照下雞樨柔波迴蟹簾吾生倦于役此景意殊煩只恨無人共酒杯愁獨拈

題朱潔甫紗幔授經圖

夜燕輝鐙書下帷書聲斷續漏聲遲頌椒賦茗尋常事紗幔而今有女師

六經近已化秦灰學海狂瀾孰與迴安得普天宣木鐸家家絲繡女顏回

記得垂髫隨阿母時從花下學清吟慈烏未報頭先白欲誦我蒿淚滿襟

協填甫能言先慈程太淑

人即授以藪塘退士唐詩三百首七歲學吟詠有詩人從不憚辛勤往往吟詩到夜分之句蓋得力於母教者深也

遲我披圖二十年晴窗靜玩思悽然卷中多少題詩客半作陳人地下眠

圖中題詩者如鄭秋巖朱

陳雪經挽詩

當代陳無已高風謝俗囂移花媚泉石把酒狎漁樵展爲看山蠟篋因采藥挑吾廬吾

自愛三友或相邀

國破家亡日萍漂絮泊身言尋澧谿曲來作避秦人舊雨重聯袂荒江整結鄰中宵望

申浦虜騎正揚塵

憶昔騎羊歲茸城角藝來清譚揮玉塵良夜倒金罍各帶看花眼同矜擊鉢才別君纔

一瞬霜鬢已皚皚

悟澈人間世彭殤竟不齊方悲賈生鵬遽夢謝公雞天意凋文獻余生厭鼓鼙君行應

一笑挽鹿有賢妻

閱滄桑豔傳奇感賦

將軍猿臂妾蛾眉唱罷銅鞮舞柘枝大業已歸長白帝閒情猶託比紅兒徒聞羽檄飛

三輔豈爲杯羹誓六師至竟美人幾早燭乞袈裟地願修持

肖孃墳感事

金井梧桐玉井蓮零紅碎綠總堪憐鶴鴉歷亂軍方起鸚鵡聰明塚預穿已遣銀餅沈

怨魄枉貽珊瑚枕結良緣幽閨一集誰相問獨向斜陽泣杜鵑

秋海棠

露正荒涼月正斜檀心宛轉怨年華憑誰補入離騷賦絕代消魂是此花

葉氏池上樓忠節公映榴故第也余幼時讀書於此近爲風雨所毀詩以弔之

危樓高百尺俯枕曲池隈回憶垂髫日曾因負笈來廣庭饒竹石奎藻護風雷

樓藏乾隆朝御

書丹心炳册及忠節二字匾額 臺地添惆悵今成瓦礫堆

遺悶戲步題襟館倡和集韻

摩登伽女施神通欲攝阿難入娼席急持梵呪破金繩翻身下作紅塵客蒲團坐破六十年齒豁頭童面無澤老思行脚走天涯雨溜袈裟雪粘屐飛錫直上天童巔下視滄海不盈尺飄然一葦渡江歸餅盃依然守孤僻釋伽拈花示微笑謂棄塵中殊可惜特呼青鳥招之來爲築詩龕貯靈魄

客有索觀近作者戲疊題襟館倡和韻答之

拔幟騷壇愧弗勝祇吟豔體學徐陵懸金市駿誰相問刻棘成猴我尙能曾入冰壺濯仙魄近從泒水結詩朋春華謝盡餘枯木合署頭銜半偈僧

薄游松江倡和甚樂

有客

夜深寒雨裏有客叩柴關笑我吟逾苦因之鬢漸斑看人雙眼白遭亂一身閒此地多薇蕨何須上首山

懷梁節庵太史

禹山高不極行地有麒麟曾侍明光殿今爲草莽臣鶯花亡國淚燕麥故園春采蕨知君志蒲輪召莫頻

夜雨寒甚

村樓夜沈沈幽窗暗雨侵寒宜鑪火近愁共酒梧深海外仍爭戰春來苦滯淫折梅無處寄還向鬢邊簪

無題

衆仙聯袂覲丹除葉葉雲衣盡六銖合德暗貽金鑲枕密香親賜玉真符織來翠鳳終成錦叱起黃羊爲持珠獨有爲郎老方朔老偷桃無術尙飢驅

寄懷朱叔建

花落君惆悵人歸我鬱伊臨風一爲別見月輒相思聞潔循陔膳仍圍賭墅棋何時來海曲刻燭夜麤詩

二陸祠懷古

入洛聯翩二妙俱盛年文采照寰區祇今古冢埋黃耳賸有荒祠長綠蕪夜月不聞亭啜鶴秋風應羨客思鱸流傳遺集誰珍護孤負芳稱並顧廚

燈影

燈影碧搖窗虛檐鐵馬撞涼秋淹病榻細雨掩吟幃信每經年斷愁難借酒降所思在天末幽意託蘭芷

陸文端挽詩

任爾龍無首元黃戰血多曾承託孤命不作采薇歌國運誠難挽臣心矢靡佗時因過雙闕揮淚灑銅駝

落日望金臺悲風捲地來世方爭九鼎星忽隕三台賜諡端無愧遺書志可哀傷心蓋

棺日國體正喧騰

公亮後有清即諡文端公臨歿胎書袁總統力辭新朝即與

對酒

對酒且高歌衰顏醉漸酡戲呼盲子夏來伴病維摩世任爭蠻觸心常樂澗阿平生輕富貴夢不到南柯

滬上感成

十里珠簾濕曉晴雛鶯乳燕盡春聲老夫獨搵靈均淚灑向江頭化杜鵑

酬唐子耘步見贈韻

統如官鼓正初更意外相逢倍有情酒陣狂呼青兕突家社安兒招與同飲秋心淡與白鷗盟相看鬢髮愁無極慣聽鉦鼙夢不驚只惜離懷訴難盡舟人又報夜潮生

讀明皇小識

野孤已死龜年老重過梨園蔓草荒唯有簾前舊鸚鵡見人瑣瑣問明皇

采棉詞

棉鈴采得滿筠筐含笑歸來問阿孃還是製衣還製被兒家心事費商量絮花彈作雪婆婆奇煖居然勝綺羅相約鄰家諸姊妹蠶神不賽賽黃蠶

西風

西風衰柳俯寒潭二十年前此駐驂紀阿男家何處是棲鴉流水似江南

荆軻

枉遣於烏期頸血流藥囊一撲計全休酒酣燕市徒衝髮柱擊秦庭未報仇劇有雄心探虎口終令遺恨飲烏頭荆卿匕首漸平聲離筑可惜當時總少謀

毛遂

怒拔腰間佩劍看早拚熱澱盟壇書生穎乍囊中脫霸主心先席上寒叱咤風雲能變色輝煌樂敦強言歡如何十九人俱往只是從旁袖手觀

讀亡友朱子美贈滬上彈詞女詩感事傷時爲賦四絕句

鬢天影事記無多轉眼風花小劫過只有雕籠舊鸚鵡隔簾曾聽雪兒歌
少卿書畫黛香詩鼎鼎芳名豔一時我欲夢中傳彩筆可憐雙鬢已成絲
白楊蕭瑟鎖荒煙寒食東風叫杜鵑莫恨佳人半黃土苦封玉座已多年
花前醉倒爲紅裙朱十風流迴出羣留得鮑家詩一卷不堪風雨唱秋墳

寒風

寒風颯颯復騷騷坐聽檐前鐵馬敲明月滿塔霜滿屋冷香吹上蠟梅梢

銀河曲

常儀駕蟾歸桂宮纖雲四捲秋旻空璫機織罷玉梭冷煙翠露泣銀河東維尼不比精衛鳥也惜情天容易老乍可羅梁天際成俄看鸞帶風前裏今夕何夕秋在天仙之人
今情纏綿銅龍不閤歡易竭淚花飄墜輕如煙欲別不別情鳥已黃雞催人聲四起回

界歡正濃斗帳珠紅枕珊紫

立春前一日作

是日爲陽歷
二月三日

層冰泮盡聽流澌莫怨春來故遲戲展案頭新歷日花朝先已隔宵支
二月初二日
昔人謂
花朝

紫陌風微扇鞠塵流光又換一番新兒童解說昇平事明日官衙看打春

卽事口占

携筇閒過板橋西側側輕寒滑滑泥小立兩絲風片裏隔林遙聽鶉鴝啼

歸夢

歸夢路迢迢孤燈伴寂寥遙知夜來雨又漲渡頭潮旅况憑誰訴詩魂不可招惟應愁
萬斛借酒一爲澆

荷花陽采蓮歌

郎爲逐浪萍妾是隨風絮爭及水中鷗雙宿花深處
蓮萼妾心苦蓮花郎面嬌相逢花陽畔同倚木蘭橈

遲郎青聽來獨倚湖樓久笑指並頭花可似渠儂否
湖月團團照湖波渺渺愁夜深風露冷歸路認椒邱

社安宗兄以尊人月波先生八十壽言屬校中缺五言絕拈此補之

舊謁煙霞閣摩挲太古松松陰一卷石疑是老人峯

座有談經客囊無造孽錢只求三斗秫常醉菊花前

軒冕謝塵中煙雲怡世外試看王氏槐何似寶家桂

長眉傳古佛未敢擬遐年獨有堯時鶴曾同雪嶺眠

鶴窠村人詩稿卷三

花朝

上海黃協垣式權著

懶袖雙柑聽早鶯風風雨雨臥江城天公爲是花生日特埽癡雲放嫩晴
盡日開門掩薜蘿濃春如夢奈愁何山妻應向鏡前算幾度花朝客裏過

梅雨兼旬客中感賦

梅雨連朝長綠苔寂寥孤館鬱難開看花淚爲傷時下載酒人因問字來棋局靜觀迷
子路藥方細檢費心裁此生已分懸瓢過莫更臨風盼鳩媒

哭于生蓬石

纔向雲間弔陸機又因于鵠淚沾衣青年埋玉情烏已白首傳經願總違
以詩有慰我博經願 菽菹縱談無幾日醉鄉落魄竟先歸 十日君晤於書畫會中清談
多君作賦才之句 成婚甫一年有半 八夜 竟日君豪於飲余心憂之恐
身也 最傷心是銀河鵲填得橋成便背飛 君歿於閏七 八夜 爲他人事力仔扇誰料焚身禍竟延 君以外舅歿 屬續纜離甥館榻 綿懷始返

傳薪猶戀舊家託

君任令兄卿三行學校
疾大漸猶籌校務甚詳空懷槐市風千古枉說蘭臺效十全

病雖惡
治之得

法未必不可就痊於此
信俗醫之禍人不淺也

九月十五夜作

老去成筮鳳負來歎釜魚文章仍故我飄泊欲何如白髮愁窺鏡朱門懶曳裾只應今夜月相伴客窗虛

己未九秋重開澹社余因事不赴賦寄同社諸君即步企石有感韻

雞黍留賓辦咄嗟借將秋社話桑麻澆愁酒綠浮蕉葉射覆燈紅燦柏花

社中例
有文虎四壁

古香蝴蝶夢一篷涼月鷺鷥家獨憐江上羈栖客不及長天賦落霞

企石及廣甫志陶
新製游艇近始告

題丁子裘箕裘願學圖

苦憶詩書授鯉庭遺徽歷歷付丹青卽令世界誇平等誰更箕裘念典型
我亦昊天呼罔極蓼莪三復淚模糊如君孝德真無匹合續丁蘭刻木圖

題周寄鴻孤寒思痛圖

痛極我蒿一首詩親恩欲報渺無期可憐襁褓含飴日正值兵戈匝地時茅屋黃昏烽
照眼椿庭紅雪血盈墀千辛萬苦存孤嗣老去思量淚尙垂

梁節菴國傳挽詩

西清方進值東海忽揚塵天子無疆土孤臣尙笏紳死猶辭賄賂名合易貞純瞻望陵
前樹枝枝慘不春

走也殊無似私交二十年談詩絃月下縱酒醉花前自得騎箕信因成憶舊篇禹山高
萬仞仰首涕如泉

歸去一章

白盡盈頭雪重來古澗涓已同蛇畫足猶想豹留皮塵土汗難滌鑿鹽味最宜不如歸
去好泌水樂忘飢

陰雨連朝竟阻探梅之約小窗悶坐賦此遣懷並寄淡社諸吟侶

東風無賴甚吹散雨如絲孤負看花約頻牽落月思音書遲北渚消息問南枝可有聞
蜂蝶尋春到水湄

將返里舍留別淡社諸子

深林子規語道我不如歸遂約浮瓜艇言尋釣月磯蘭言春蘊籍鴻爪雪依稀共訂重
三約心期莫更違

雨過

雨過推窗望癡雲積屋邊日長花結夢風定竹生烟有好皆成累無營亦是仙桃源何
用覓酒國且高眠

雜詩五首贈朱叔建

故人久不至戶外積苔痕乍過黃梅雨來敲白板門談詩松雪墮煮茗竹煙昏且盡今
朝樂相思莫謾論

世事彈棊似中心頗不平聞君談慷慨令我氣縱橫勢已通盤錯天難隻手擎祇應千
日酒一醉了餘生

憶作茸城客相知獨有君宵燈豪說劍晨硯細論文展爲看聲去山蠟詩還拈韻分卽今
湖陳迹如夢復如雲

春色滿滁州環滁山更幽多君動游興約友過清流關名四戰關河險千巖竹樹周醉

翁亭子在吟屐暫停留

久聞朱佐日唐人白髮有高堂已逼風前燭還生肘後楊循陔蘭潔饒求藥露盛囊且

莫攜琴劍江湖覓稻粱

蝸蝸我鄉呼爲叫哥哥兒童有以小竹籠豢之者感而賦此

漫天匝地起風波爾足荒山喚奈何如此江河行不得葦塘深處叫哥哥

張生水淇東游日本賦此送之時庚申七月二十八日

送君從此去觀海到蓬瀛白踏千巖雪紅餐萬樹櫻茲游良不惡舊雨况多情獨我懷
鴻爪臨歧百感生

吾黨二三子英才獨數君神機策雷電君精於電學壯志攬風雲狐鼠盈朝亂鉦鼙徹夜聞

此行須早返籌筆立奇勳

仲秋二十二日炎熱似盛夏

節過中秋後炎威忽上騰奇峯火雲出宋人詩火雲猶未歛奇峯香汗木樨蒸秋溼熱民命已

垂絕天時未可憑，頗聞饑饉地溝水。早成冰西北地寒飢民之出關，就食者月前已多凍死於道。

明妃村

自辭風禁出關門，環佩難招塞外魂。只有龍沙一輪月，夜深猶照秣歸村。

薛濤井

古井波寒豔影消，枇杷門巷草蕭條。掃眉才子今何在，腸斷春風萬里橋。

綠珠樓

六朝豔蹟久湮淪，金谷無人草自春。誰向樓中吹玉笛，落花如雨溼香塵。

真孃墓

曾騎款段過山塘，古冢纍纍冷夕陽。莫更埋香怨黃土，五人墓草亦荒涼。

淡社句留條將旬，日臨歧倦倦不能無。詩知己者為我和之。

淡社句留已浹旬，主賓歡笑樂間身。尋秋笠屐雲為伴，名世文章筆有神。醉石有真錢人比黃花瘦

北地哀鴻瘦更多之句允推一時絕唱老去還欣花照眼，病餘未敢酒沾脣。臨歧再訂探梅約，轉瞬沙城

又好春

燈下校張野樓先生詩集敬題一律於後五疊前韻

高樹城坳歲幾旬，餓餘留得苦吟身。先生詩名高樹古坳及餓餘集能同杜老稱詩聖，肯學王孫媚

灶神。君歌介絕俗雖至稿抱牘晨趨新吏舍，君為縣箋花宵就破燈脣。卽今遺集重隸

遍第一消魂是送春。集中送春詩最佳

冷髻寄示送別詩賦此奉酬七疊前韻

水程相隔只由旬，梵語由旬譯來往無憂老病身。略借寒香清肺腑，十二日偶因明月

寫丰神。泉明醉後敲巾角，摩詰歸來隱麝脣。王維詩髮腹乍旁他日思君忘不得，花間

同試碧螺春

酬春柳見懷之作八疊前韻

休暇無須計十旬，飄然我是水雲身。正思舊約逢梅使，欲穩宵眠餌茯神。病後失眠甚對

月相思倚闌角，為花破例近杯脣。與君記泛秋江棹，兩岸丹楓似富春。望日同舟至橫

抵暮

米價

南城作客已旬餘破帽蒙頭返故廬歸見山妻先借問比來米價復何如

二十八日之夜夢上一山路彎環作半月形昏黑幾不可辨山上有方亭數人聚

飲其中酒酣吹笛忽雲破月來大地明如白晝因得醉攜鐵笛二語醒就枕上

屬成之說者謂頗類樊榭游仙詩也

仙府曾無竹葉春笑騎白鶴下紅塵醉攜鐵笛吹雲散十萬樓臺盡化銀

滬城鴛鴦廳昔之門酒徵歌地今已榛莽荒蕪矣閒游過此感而成詩

危城幾度閱滄桑亭榭全成瓦礫場只有池中萬荷葉風風雨雨護鴛鴦

題常州某女士畫

有花葉處神全活無色香中韻更殊他日甌香館重過畫師先拜憚清于

社友秦亮臣 始基悼詞

亮臣南邑董事中老輩也豐功偉烈邑之士大夫類能道之山野鄙夫安用聯

枝之贊詩中唯述二三瑣事以志彼我交情亦竊附于不賢識小之列然哀感

當時同賦采芹篇利市襴衫兩少年四十九年纔一瞬驚看雙鬢各蒼然 先生與子同應小試受知

於湘中彭味之侍郎 距今已四十九年矣

澹社筵開比玉堂與君同賞晚秋芳名花四壁人三五銀燭麝詩興欲狂 頻年就南城比玉堂設淡

社招邀裙履共賞秋芳酒盡詩簡樂此晨夕今君已辭塵而去柴桑知己竟少一人三徑秋英不免蕭蕭可憐之色矣

香光樓上集羣賢為祭詩人做綺筵多感先生扶病至對花小坐劈吟箋 續海曲詩鈔選事既蕪集

邑中名士為位於香光樓上以祭前輩詩人時先生小病初愈整鬚而至賦詩一章有夜深煙月滿湖中鸞鷺飛起窺吟牖之句最為同人激賞

桃夭賦就正歡娛一霎罡風起海隅不是黃衫仗高義詞壇爭唱後還珠 邑人施性婿甫數月其妻

即被匪人掠賣君白諸邑宰飛檄追還予為賦後還珠曲記之曰後者前金若人明府宰南邑時曾有還珠之事也

啖蔗何曾到尾甜西河垂老淚盈簷從今泉下重歡聚絕勝鰥鮒病榻淹 長君逝世先生感痛成疾

奄奄牀席殆已經年

頻揮熱淚灑黃花同社人今若散沙又弱潘河陽一個傷心豈獨為秦嘉 聞伯廉又作古人同為淡

社中人能無生死存歿之感

立春日得春柳書約赴祭詩之會報以二絕句用去年除夕寄澹社諸君韻

料得迎年送臘時松明火下寫烏絲憑君且擱祭詩例先和寒閨病趣詩 身尊集有寒閨病趣圖題

詠蓋當時杭城吟社倡和之作時余小病初愈故云

更無心緒賦朝征只合騷壇結隱盟一縷吟魂飄不定又隨春訊到江城

除夕有懷澹社諸吟侶

早從講舍作經師垂老耽吟七字詩身閱五朝年七十滄桑歷盡鬢成絲旬侯顧忠宣

閒歌妙曲拍紅牙一葉扁舟泛水涯豔絕玉臺新詠序珊瑚架上筆生花耐冰徐守清君近耽詞

曲舟車控德時以工譜自隨

撇卻功名奉旨甘烟霞高閑恣幽探詩書畫作娛親具獨有吾家黃退庵社安家報廷君詩書畫

皆電精詣嚴君月波先生尚健在年已八十有四矣

陳髯詞賦歷名流畫舫清樽足雅游風月滿湖人半醉一聲鐵笛萬山秋廣甫陳敬君製三友吟

一舫自題聯語云風月一鐵笛江湖三布衣

一天風雪歲闌時靜掩柴門冷不支卻憶風流謝無逸玉梅花下獨尋詩企石謝璋君昔年贈君

聯云名從石筍里中起詩向玉梅花下尋

閒招俊侶共持螯好月當天舉盞邀略記雙松舊吟館酒人團坐話通宵志陶唐其黃

守歲

皚皚白雪滿頭顛羞說今吾尚故吾劍膽輪囷因酒壯詩篇潦草恨才粗只愁亂後文

章賤微覺春來景物蘇朋舊凋零歡會少閉門守歲一燈孤日十二月二十七交立春節

鶴窠村人詩稿卷四

昨夢

上海黃協垣式權著

昨夢古城隈臨流幾樹梅神來宜月寫花發待詩催僻路能通屐芳游合舉杯無端爲
驚醒銅笛數聲哀

未申悼逝詩

不堪重過舊黃墟覓句無人酒共沽獨有俠情消不得旗亭風雪唱還珠
始基

酒酣潑墨夜題綃綺夢如塵易寂寥只有霞關舊楊柳春來猶舞小蠻腰
明遠

辣手曾將二李鋤說經晚歲侍彤除泉途若遇先皇帝莫誦黃初受禪書
鼎芬

貪循籬角挹秋香抱甕朝朝灌慨忙今日坐花軒外菊爲君蕉萃倚斜陽
南 匯 潘 伯 廉

落拓江湖過一生美人香草寄騷情如何攔下青邱筆甘把詩名讓阿兄

上海高太癡

滄海桑田幾變更紛紛碁局苦難平老夫獨灑傷時淚付與南朝楚兩生

元和陸在田

龍南匯于蓬石干

醉臥

天地既生我胡爲空賦才卽今成老大依舊困蒿萊世路干戈滿年華霜雪催祇應千日酒醉臥藉蒼苔

元夕踏燈詞

西南氛祲未全銷又報師從庫恰撓猶說昇平須粉飾家家鑼鼓鬧通宵
火樹燒天萬燭龍人叢擠得鬢雲鬆生憎多事間蜂蝶不看花燈只看儂
十三小女晚梳妝未肯含嬌閉洞房趁著燈光半明滅玉梅花下捉迷藏
鞋裁灰段襪青絲寬辦齊腰紫袿披爲是明朝要開學語郎歸去莫遲遲

家住鄉村路徑迂屋苦茅草壁編蘆生來未識游燈市閒約隣娃賽紫姑

看罷銀燈漏漸終更陳蠟悃籲天公願分今夜姚橋月一照哀哀遍地鴻

酬宋靜菴

家鉢卽步見贈元韻

鼎革十年久侏僂風俗同何期滄海曲猶剩兩詩窮君本宋無忌我慚黃石公相逢且歡噱高唱入雲中

卅載常爲客厭看世糾紛開携一巷石歸臥故山雲委巷無車馬輜儒眇見聞芝蘭欣接席君莫闕清芬

新場卽目

小別卅餘秋歸歎若夢游人聲晚來市燈火水邊樓海近魚蝦賤村荒竹樹稠此鄉向樂土惜我暫句留

二月十四日作

宿霧霽遙天昏昏似醉眠林深鳩喚雨草溼蜨栖煙旅夢殘燈畔春愁濁酒邊思家望不見雲樹共流連

客館

鶯簧蜨板苦相催客館穠花次第開何事東風近寒食玳梁不見燕歸來

舟中口占

一聲柔櫓一程遙判把離情付去潮回望隔燈煙柳外危闌隱隱是虹橋

鳳女臺

汧水東邊渭水西荒臺無蹟草萋萋瑤天仙已驂丹鳳古縣人猶說寶雞

臺在寶雞縣治見列仙傳

百尺樓高簫寂寞九霄風冷月淒迷我來更訪三良墓黃鳥哀哀盡日啼

燕子樓

東風吹我過徐州訪古閒登燕子樓

樓在徐州府署內

曾抱衾裯盟曠日認看劍履葬荒邱十年塵土埋歌扇午夜星霜夢綺游獨有紅襟知妾恨雙飛不敢近簾鉤

題京江戴太君桐陰課子圖爲令子鶴皋作

在昔我母富文藻授詩午夜燈花紅與君母氏適相似秋宵課子桐陰中九經三傳細辨析穿穴古義能旁通迨君服官母已老深虞慈竹凋秋風急繪斯圖紀前事經席趨

侍雙卯童圖成示我索我詠我詩苦類號寒蟲憶我母沒已冊載我漸髮白成衰翁聞君亦抱蓼我痛呼天罔極餅壘空吁嗟君我永銜卹泉魚之泣將毋同哀吟血淚灑滿幅仰視白日懸孤桐

三月十九夜有偷兒入書室所失祇數百文耳戲以一詩贈之步一廬見慰韻

枉爾雨中過值余方醉眠穿窬初試手肘篋未成篇

莊子有肘篋篇

插架盡殘帙裹身惟破氈

來宵倘重顧先辦杖頭錢

菴香館坐雨作

浙浙復霏霏殘雲帶雨歸砌花紅欲墮園菜綠添肥樓水千蛙鬧衝煙一鳥飛閉門無客到靜坐欲忘機

冷髯醉石春柳松菴約游無錫因事所阻賦此謝之

頗愛茶烹慧麓泉清游苦被俗塵牽黃婆墩與春申澗憶著前徽總惘然少年劇喜騁吟韉垂老猶能勞蜀踐他日訪君來淡社分題先和紀游篇

南城初建公園率題一律

小園園林似輞川椒邱荷陽近相連收將風月歸吟鉢約住煙雲證畫禪曲檻移春紅
藥館孤亭話兩白鷗天阿誰管領溪山勝除卻詩仙卽酒仙

余曾撰橫塘權歌紀故鄉佚事今已有七年館舍無聊賦此以補前所未及得

七言絕句八首

上方山北石橋西月黑荒墳怪鳥啼曾有少林僧到此手揮禪杖噓鯨鯢
永寧古寺景全非碑石無存野草肥三五羅尼一香火落花時節掩禪扉
半栽棉稻半桑麻臨水柴門是姜家爲是繡花坡上住生來兒女盡如花
烏程相業久蕭條觀略堂基長野蔭曾見有人親滌器破廳一角設茶寮
年年重九登高節士女香花塞市園齊說照天侯顯赫絕無人更禮椒山
紙錢零落墓烟荒酬酒無人弔薛孃偏是旨詞耳能熟調傳雪豔此埋香
衙前橋古枕谿潯橋畔衙荒樹鬱森欲問權鹽場舊址杜鵑無語夕陽沈
香光翠墨凋零盡只有南陽墓碣存安得親隨訪碑使手攜紙繭拓松根

題秋筵集

荷戈遠謫歷窮邊獨宿穹廬二十年滿眼征塵滿頭雪多君歸在塞鴻先
一集秋筵邊調苦流傳萬里到宣南愛才不遇成容若更有何人爲解驂

雨夜

香未消沈漏未停涇螢光冷點銀屏寂寥庭院淒涼雨靜掩文紗獨自聽

梅雨經旬遲硯鋤不至

遙天如古畫水墨潑模糊偶蠟衝泥屐來眠賣酒墟林喧鳩逐婦波煖鴨呼雛安得尋
詩客新晴一過吾

馬士英畫

煙雲蒼古筆縱橫穢史流傳世共輕傲倖江南馮玉曠千秋紅粉著才名
士英爲世所
鄙骨董家得
其畫幅改題秦淮女郎馬玉瑛
人遂以象金購之見圖繪寶鑑

筍灘消夏吟社卽事

回首咸同際羣英萃一時移家因避寇結社共麀詩小子方髻鬣吟壇捧硯隨浮塵纔
一胸雙鬢已成絲

我友胡安國清才迴絕倫稱詩儔典午結夏趁芳辰邀月蕉浮盞當筵角折中南皮開
盛會風雅繼先民

乍過黃梅兩庚驪又伏中催詩吟擊鉢置驛遞郵筒星共沙城聚潮應滬海通飛來牋
百幅甲乙品題公

客中逢小極眠坐鎮奄奄暫輟諸生課來消長上聲夏炎荷風吹葛帔竹雨滴瑤籤此
景真清絕尋詩步曲檐

跑搶轎行

我鄉惡俗天久亢晴無賴子輒借祈雨爲名終夜昇神像飛駛自祖師堂址迄
聖堂橋畔互賽足力各不相讓謂之跑搶轎今歲七月初三夜因爭道交關傷
至三十餘人官固不之問民亦未嘗
訴之官也黃子憂之爲作跑搶轎行

轟隆匝月蒸蟲蟲赤雲燒天天盡紅田疇高下似龜坼老農搏額呼天公街頭少年好
身手乘茲選事迎蒼龍夜深更挾土木偶神輿飛出當街衝祖師堂迄聖橋畔各逞捷
足追飛蓬兩肩互擦不相讓有讓者即非英雄始而角口繼角手拳如雨點聲喧隆各
將神像棄道左旗纛繼委塵埃中戰酣不復顧性命脰斷臂折猶洵迨天欲明鬥始

罷延醫各各將傷封猶復逢人自誇詡謂能搶步如追風昔者汪令勸惡澆俗禁借
祈雨逞厥克拘爲首者楛其頸像設一一埋幽宮閱三十載饒復熾不畏官法還私訂
即今官法不足畏天視豈亦常夢夢農人屛水方汗雨爾乃結隊如游蜂恐神上奏達
天聽上天降罰難寬容密雲不雨易有象秋收曷望歌緩豐

歸去來辭

之子倦行役拂衣歸去來觀雲閒悟道避世敢矜才曉屐衝煙出宵船載月回忘機吾
已久鷗鷺兩無猜

旅館無聊偶成四韻

旅館無聊甚推窗覽物華綠凋秋後葉紅瘦雨餘花咽露涼蟬苦禁風退鷓斜莫歌行
不得獨客正思家

張生洗桑將赴日本寄此志別

君歸兩經月相見只三回又掛征帆去難禁風笛催携琴渡溟渤觀日上蓬萊故國需
才亟雄心莫便灰

團扇曲

袖中飛出一輪月化作齊紈白於雪美人素手花底携撲蝶閒階露苔滑昔聞謝女字
芳姿團扇歌成寄怨思亦有班姬愁棄置秋風篋裏感孤羈班姬謝女何須道合歡鏡
裏人雙笑但得團欒慰妾心肯因蕉萃憎郎貌衆綠香生四面風風流今又續吳中何
當借爾團欒月粉墨親調畫放翁

喜家書至

元趙子昂詩團扇風前衆綠香

曉聞征雁叫雲隈知有家園尺素來
驚見平安題兩字未開緘已笑顏開

送秋詞

平生頗愛秋光好今日秋偏卽次回別路愁看楓葉積來期豫訂菊花開
金迷紙醉歡拈韻螿瘦蟹寒懶舉杯只有臨歧再三祝長途風雪莫相催

遙寄淡社同人訊菊花消息十二沓去年留別韻

黃花開日未成旬用張詩九日句已惹寒香絆此身擬策瘦筇來栗里同邀高士禮茶神

春柳

工愁我已添黃髮譜豔誰還付絳唇冷僻近喜填詞豫約西風報消息安排共

賞雪籬春

張元幹詩與存雪籬春

立冬日寒甚十月九日

蕭殺誠天意寒威強自支高風隕霜葉淺見冰漸大陸龍蛇鬥荒原雁鶩飢南檐容曝
背厚我似疑私

過閔家灣有感

在昔明清際我里多前修葉張既通顯卜宅街西頭里南有閔氏炫赫尤無儔一門盡
朱紫聲勢傾王侯垂老謝朝政度地營菑裘前門列棨戟門上釘如漚後園盛花木泉
石清且幽中堂煥題額御筆翠墨流憶余幼小時騎竹門外游子姓雖式微第宅猶盈
眸胡圖轉眼間華屋成山邱山邱亦無有夕照荒煙稠惟見壞牆根蟋蟀哀鳴秋豈無
子與孫零落不可求豈無戚與朋掉首不敢留昔何氣燄盛今何情誼偷我思古聖言
富貴如雲浮

暮潮

雲物荒寒草木凋故鄉煙樹望迢迢臨流欲覓傳書鯉無奈西風正落潮

十月望日老友朱雲達見過

朱君本崎士小隱青林村平生薄榮利夙好詩書敦一從遭鼎革花下常閉門願爲古
逸民世事不復論日夕惟哦詩客至或開尊與我別廿載昕宵縈夢魂一朝策筇至言
笑仍溫溫爲言兩廉亭東筇詩篇屯乞君弁一言將以貽子孫我憶昔驩笑泥雪猶留
痕胡圖世滄桑垂老途迢迢君今富著述我尙謀饗殮人生各有命安用苦競奔途君
從此去君須善葆真我歸百無事弛然臥松根

兩廉君家亭名君詩即名兩廉亭稿

偶檢敝簾得西門子雲山水橫幀率成一詩

四十年前老畫師閒窗潑墨戲臨池雨中山色煙中樹頗憶襄陽米虎兒

同社友武君樗癯歿於滬上余既撰聯挽之又成小詩二章既同悼君行自悼也

曾到西南徼外天蠻花如繡騁吟羈如何老作潞濱客一見洪厓又拍肩

君曾蘇游濱南

莫同琴操說枯禪願赴蓉城作放仙爲問風流晚香玉可能移植愛河邊

君主滬上鳴社今秋曾以

晚香玉命題意蓋有所指也

病中書感十三香去年留別淡社同人韻

客中愁病已經旬搖落情懷骯髒身狂誦佳篇驅瘴鬼遠謝老以述懷詩寄示痛揮清淚哭花神

聞淡社菊花完蕪殆盡

紛更誰閔龍無首殘朽渾同兔缺脣慚親朋虛慰藉漫云枯木易回春

月當頭夕客中乞月

早與嫦娥約今宵客裏逢如何雲玳瑁微掩鏡芙蓉悶極狂呼酒吟成倦倚松清輝中
夜發天似慰癡儂

張憶孃簪花圖題詠是靈鷲閣刊本

大名鼎鼎化煙雲翻藉斯圖策墨動我替國初諸老輩傾心拜倒石榴裙

憶孃風貌誠難匹豐潤才華亦少雙卻怪畫師楊子鶴戰圖曾未寫閩江

圖爲虞山楊晉作今藏豐

潤張氏家子鶴晉字也

冬至夜作時因病將返澧谿十一月二十三日

旅病逢佳節淒涼一倍加容衰愁攬鏡灰動正吹葭客路誰知己我生信有涯明朝暫
歸去高臥樂煙霞

劉君山農度地天台山藝橘萬株其友徐東雅賦詩張之昨以書來索和因成四

絕句

天台高接赤城霞，隱約雙扉玉女家。引得劉郎再三到，橋花香更勝桃花。
草檄曾磨盾鼻來，晚依老圃學栽培。橘官俸薄殊清苦，何事沙場釋甲回。
朱顥垂垂遍翠巒，清霜絢染色逾丹。花宮昨夜新頒籙，勅賜佳名是合歡。
無端惡識兆紅羊，時局如棋劫運長。我欲邀君橋中隱，任他塵世換滄桑。

盼家書不至

日日谿橋上遙天，盼幾回如何。征雁過不帶尺書來，鹽米勞中饋。江湖損綺才，客途逢歲晚，愁思更相催。

辛酉悼逝詩

丹徒武樗癭

君曾參筆游滇中，以軍功保舉知縣。鼎革後歸隱，滬上創設鳴社，集名士數十人，月課以詩，未幾歿。

武君振奇士，辛苦覓封侯。獨跨三山鶴，曾爲六詔游。輪蹄銷病骨，湖海結吟儔。太息彌留際，詩篇散不收。

南匯倪斗南

君夙有文名，余長知本學校時，曾延主經席，自言前身爲天滬山鴉子，十赴秋闈，不第，晚著南沙竹枝詞，刊行於世。

倪迂老孫子，詞藻劇翩翩。夜雨談經席，秋風鍛羽年。鄉邦留著述，佛國締因緣。先我修文去，思君淚似泉。

連得又崇及阿嘯信喜而賦此

頓慰征人念家書，取次來宵鐙。花乍結春酒，秫先醅消息。庭前竹光陰嶺上梅，暫遲歸亦好。莫信暮潮催。

四十年前滬上女仙降，乩有笑爾檐間雙燕子。一生從未見梅花之句，風雪寒齋

戲反其意得二十八字

風雪柴門客去纔，巡檐繞柱獨徘徊。欲招燕子歸來看，翻勸梅花緩緩開。

鶴窠村人詩稿卷五

上海黃協垣式權著

立春日作

紅樓紫陌盡游人七十衰翁獨愴神回憶兒時如一夢網船浜上看迎春

閒中偶成學宋人詩體

濯纓濯足本無心那管滄浪水淺深除讀書惟緘口坐偶成詩卽對花吟談雞窗靜塵
難入羅雀門間蘚易侵收拾素琴懸壁上天涯何處有知音

正月二十日新晴蚤起有霧

蚤起推窗望迷茫一白連遙天低覆笠深樹薄兜綿鶻喜晴爭噪蜨愁寒懶眠煙中聽
鴉軋莫是曉行船

改詩

作詩固非易改詩亦良難往往稿初脫如珠圓走盤偶一得疵累刻意窮雕刊雕刊既
云就反覺神不完扭捏求形似如沐猴而冠不如初稿時其色秀可餐所以古匠石大

木不輕刊朽者王承福素壁不輕鐸推敲易一字我師昌黎韓

寒雨經旬朋驢絕蹟客窗枯坐走筆成詩 二月七日

遙天如墨溼雲堆終日昏昏眼倦開寂寞閒庭無客到青苔和雨上階來

鏡下書懷

時難年荒世業空老歸故里作書傭兵烽絕域晨傳箭風雨蕭齋夜聽鐘虛說仙家會
騎鶴居然佛法得降龍相思欲折梅花寄驛使春來久不逢

夢醒

暗香疎影兩三枝翠羽啾啾夢醒時夢入孤山風雪夜萬梅花裏獨尋詩

再補昔年橫塘權歌之闕得詩八首

池上樓高接太虛樓前池水畜文魚無端憶著兒時事燈火樓窗夜讀書
特鐫淺土作瀧岡孝感阡爲表揚我讀鶴沙人物志心香一瓣奉南陽
萋萋荒草暮煙昏三五人家盡掩門華表半頽元鶴杏更無人問鶴窠村
古寺南山香火稀寺前石路夕陽微何當補種梅千樹香雪中待鶴歸

姊妹相携鬥草回暗將心事訴蓮臺報恩懺院無人識只說雷音寺裏來
斜風細雨綠簑衣終日垂竿坐釣磯道是季鷹埋骨地至今春水鱖鱸肥
一角峨峨獬豸冠能令奸黨膽俱寒閩江謫去無他恨只惜蒿菴集未刊
松風謾謾韻泠泠夜靜間階有鶴聽隔著湘簾奏湘月琴師應拜閱蘿屏

待燕詞

杏花時節雨簾纖商略來尋舊畫簷還是主人情最重忍寒親手卷珠簾
隆隆徹夜聽鉦聲戰血橫流滿大陸欲補舊巢須仔細只銜花片莫銜泥

葉澹遠堂是琮卿紫仙昆仲讀書處

山邱華屋卅年纔重過門前首忍回後代兒郎少文墨舊時池館半蒿萊卽今蛛網塵
封處曾共絃詩鬥酒來且莫因君感存沒看余霜鬢亦皤皤

將歸儲里燈下述懷仍步昔年耐老韻

蓮漏聽將終春宵氣漸融愁難借書遣人豈爲詩窮琴劍風塵內家園夢寐中明朝且
歸去閒話一燈紅

范君君博以病懷詩索和卽步元韻報之

閨中倡和綺情生知是春來病漸輕我欲訪君攜彩筆蘭棹親署閣雙聲
風片吹來細雨絲攤衾閒背藥名詩多君病亦風流甚說與鸚哥總不知
欲掃青苔力尚慵任他三徑白雲封明朝攜手看西脊過兩山光翠更濃

無端雄扇大王風十載滄桑戰血紅慚媿月泉詩後學更無社事繼清翁

翁所建承函索
抽稿故及之

月泉吟社為
宋遺民吳清

買春

何處沽春駐紫騮小橋獨木詠三叉旗亭賭唱詩盈壁茆店吹香柳正花絮榼奚僮忙

問價數錢媿女會當家獨余酒友凋零盡重過黃墟淚似麻

仲昂于蓬石皆酒中大
戶也十年中先後物故
每當獨酌輒為恹然

舉君季杜高君太癡陸君

錢春

曾賦沙城餞菊詩錢春今可默無詞多情贈我花千片臨別酬君酒一卮櫻筍芳筵成

薄醉樹雲遠道費相思明年綺戶梅開日豫約佳期莫後期

昔年在南城開餞菊宴
首倡二律和者數十家

嬉春

何必題詩上翠屏閒攜酒伴出郊坰狂呼三白尋村店醉擲雙紅踞驛亭南陌聽鶯停

玉勒東風放鴿響金鈴只愁戰血濺羅幃莫誤津門去踏青

時風傳天津
將有戰事

惜春

纔喜風光轉綠蘋無端花落又殘春啼鴉心事悲空切飛絮年華躋易陳老去已醒蝴蝶

蝶夢飢來誰惜惜鳳凰身只除權翠菴前月照見絲絲髮似銀

夢見曾重伯太史

三月二十辰

雲黯三湘鬱不開故人昨自夢中來卅年舊兩宮袍豔萬里長風使節回

夢中似言出
使某國回朝

籠袖煙霞青靄靄盈頭霜雪白皚皚無端驚散槐柯蠟苦恨鄰雞抵死催

食素

五葷佛所戒葱韭蒜薤芹豈關心惻隱恐致神紛紜肉食非破律惟三厭宜分

不聞為
我殺不

見為我殺不疑為我殺
佛書中謂之三厭肉
奈何愚夫婦奉佛心彌殷牲禽誓不殺云終身絕葷我惟師孔

孟庖廚遠不聞何必定疏水亦未耽曉膳腥素皆可飽鼓腹常欣欣五葷與三厭佛說

吾亦云

三月二十七日春柳詞人枉過客齋賦此以贈

風流謝無逸與我最情親特蠟尋詩屐來尋話兩人烹茶乞榆火看竹坐花茵燒笥勞
相約江城又暮春

三月二十八日雜題

綠陰如幄窳閒庭庭角微聞藥草馨清絕茗谿鄒公子閉門自寫換鵝經
綠雲擾擾曉梳妝春滿瑤臺露香除卻烏衣佳子弟更何人解賦姚黃
兩絲風片落花天約共吟窗劈蜀牋聞說清晨騎鶴去竹林深處小游仙
任他細雨逐游人結隊尋春笑語頻卻是書生襤襪甚也隨鄉俗看迎神

春歸夜作

曉鐘猶未動春去且遲遲共搵分襟淚重吟送遠詩從君還借問別我欲何之字內皆
荆棘歸途慎護持

初夏

東皇別我無多日滿眼風光已不同刈麥農愁鳩婦雨捲簾人怯鼠姑風偶翻古帙逢
乾蠹細寫家書盼斷鴻至竟客中間不得得閒時卽理詩筒

重有感

雄師十萬盡桓桓如虎如龍蔚大觀抗令未經誅馬謖割髮先已走曹瞞軍容倏見衰
茶火朝論終應褫帶聲就使狼烽便銷歇可憐雁戶早凋殘

風雨交作夜不成寐倚枕口占以寫旅況時四月十九夜也

一鏡如豆映疏樞輾轉孤衾夢乍醒簾外暗風窗外雨今宵依舊客中聽

種竹戲題

爲愛檀欒手自栽暑風滌盡綠成堆古愁遮斷中宵月不放銀蟾入戶來

寄耐老

瘦似枯禪冷似冰年來心漸悟三乘新詞旖旎名延露舊約模糊記翦燈風雨聽雞詩
夢遠江湖泛鷁鬢絲增相期澹社同觴菊賭酒藏鈎我尙能

女游仙詩

月殿高寒夜不眠偷騎白鳳下瑤天琳宮典籍嫌拘束還向人間作散仙
紅牆一隔抵三生玉露金風夜夜情自有仙槎渡銀漢長橋何用鵲填成
花滿瑤階月滿扉瑤宮軋軋夜鳴機癡心爲惜紅蠶命親織蕉絲淺碧衣
羣仙相約飭流霞齊赴西池阿母家獨向瑤臺最高處手攜茗帚掃閒花

客居

客居忽不樂獨向澗邊行過雨晚潮急穿林殘日明水深蛙亂躍巢漏燕重營偶觸江
湖思煙中漁笛聲

雨過

雨過月昏黃巡簷復繞牆煙深溼螢暗人靜妙蓮香選夢燒殘燭尋詩步曲廊平安信
誰寄獨客正思鄉

閩端陽詞

林浮艷綠酒鵝黃依舊登筵角黍香爲是天公要驅鬼重陽不閩閩端陽
笑擲烏紗倒醪醑手揮蒲劍吐青光終南進士真無賴隔月曹騰尙未醒

榴花紅謝綠藤涼鎮日清歌韻繞梁豔殺梨園佳子弟陣排五毒又登場
讀罷離騷酒獨傾千秋悵望淚縱橫黃梅雨惡龍舟歇誰復荒江弔屈平

閒行

雨過晚晴天閒行曲岸邊平橋低假水密樹暗籠煙淺渚撈蝦網斜陽放鳴船思家歸
未得風景且流連

準擬 閏月十一日

準擬歸期趁月明清輝玉臂話幽情只愁顛倒黃梅雨又阻還家一日程
梅黃 謠云小暑一
聲雷倒轉做

閏月二十日薄游滬上賦贈玉聲山農葆青兼呈小樓主人王松堂

收拾琴書一擔擔且從申浦駐游驂情深舊雨還今雨詩誦樊南又劍南偶值良宵邀
月飲玉聲招飲於
大世界酒社頻將離緒對花談松堂細詢別後
十八年來踪踏干戈未息頭顛白獨有聽歌興尙

酣連日觀劇於大世界及亦舞臺
而以城內泰福部尤爲心醉

懷門人蕭鶴儕形動

歷盡天南北勞勞宦轍忙樓纔返丹鳳世忽值紅羊蓮性絲難斷蘭言味最長思君不相見橋浦望斜陽

君昔筮仕浙中旋改官直隸同心關宦余昔年下榻處也

香光樓下荷花盛開冷禪春柳疊次書來招赴郭簡之會適逢小極未克趨陪賦此謝之並豫訂澹社賞菊之約

放鵬亭外鷺鷥家香霧空濛月半斜曾學南皮啓文讌更燒北燭賞名花書來又約開蓮社病後還應避麴車且與諸君期後日東籬秋好醉流霞

感事

薪桂米如珠中宵泣路隅遺黎久憔悴新令尙追呼誰續春陵詠空陳鄭俠圖荏苒皆赤子激變忍言誅

秋眺

西風楊柳依依游子經秋已授衣開立河橋望鄉國長天無際亂雲飛

早起

七月二十六日

早起步橋上秋痕涼滿谿雲輕日光透露重花枝低覓食蟻羣鬥爭巢禽亂啼隔河看

釣叟歸路屐衝泥

尋秋

向晚寂無伴沿隄秋獨尋迴風生細浪落日淡疎林錦字家書遠繁霜客鬢侵涼蟬爾何意嘒嘒送餘音

八月十五夜病枕口占

藥鑪經卷送華年隱隱寒病榻前孤負今宵好明月珊瑚瘦骨抱秋眠

橋上口號

盈盈一水起洄淪上有平橋雁齒勻我欲橋邊種楊柳春來攀折贈行人

九月十四夜對月感成

誰將灑谿月移照古前京永夜閨中夢殘秋客裏情書遲天雁影涼入露蛩聲併作今宵恨繁霜兩鬢盈

滬游雜詠

九月二十九日

乍看杜浦起征塵一霎飛行到滬濱卅里長途纔瞬息恍乘鵬翮逐飄輪

由周浦乘汽車至上海爲

時祇二十分

村名百曲枕谿邊
菲屋沿谿起爨煙
落日荒原盡禾黍
不知何處葬詞仙
途經百曲村是道咸時詩人火星垣隱居處

花滿瑤階酒滿觚
麝詩良夜各歡呼
風流畢竟輸姚合
手持羊鬚第一珠
九月三十日鳴社雅集况

葵生先生拜閱五月社詩以姚君濂源為第一

早向歌場出一頭
程郎玉貌世無儔
老來頗愛香歛體
親界烏絲賦豔秋
十月初一晚郁君葆青招

赴亦舞臺觀程即豔秋演劇

滬江一曲繁華地
朝暮鶯花雜管絃
獨愛松堂老居士
冷吟閒醉送華年
老友王松堂自號小樓吟

人飲主

雙清別墅騰松杉
萃秀堂門鎖日穢
只有半淞園絕勝
一亭高矗署迎帆
園為沈氏別業迎帆亭在

山之最高處

城市山林亦大難
紀游詩寫碧琅玕
菊花石硯新磨墨
句引寒香繞筆端
石色微紫似端州產四面

生成白菊數朵曾於郁氏齋中見之云是洛陽新出儲者

絕代消魂是粉郎
菊花叢裏小排當
太原公子多情甚
手貼金鈿助晚妝
指同社王君立方事

冷凝冰骨暖烘霞
慘綠丰裁萬口誇
我欲戲呼殷七七
雪天催茁牡丹芽
牡丹云已離

源數月矣

結伴來游滬水西
香留三日手同攜
此行不為看花出
聊學飛鴻印雪泥
同游中子生今我胡生季

衡曾少年美風致故戲及之

落魄

落魄江湖泛斷蓬
老歸故里暫停蹤
一龕燈火三更月
坐聽南山寺裏鐘

南城雜詠

十月初八日 遊人林間指與鐘

危樓一角俯煙波
人說香光此軸過
落盡紅蓮鷗鷺散
方塘十畝荻花多

隴西高士今何在
詩卷流傳已不全
欲訪放鵬亭舊址
西風斜日冷紅棉

一冬風雪掩茅廬
諸老雕零歎索居
為問梅花村裏客
比來眠食復何如

曾因診疾悟奇核
國手羣推徐玉臺
今日我來尋藥圃
藥苗狼藉雜嵩萊

曾記芳春三月時
櫻桃花下覩仙姿
風流秦七今黃土
誰唱還珠舊日詩

湘簾棊几晝陰陰有客攜來綠綺琴徐拂朱絃彈落雁平沙無際日西沈
青青衫鬢少年時盡日淫哇唱竹枝誰識當年兩遺老子雲畫野樓詩
寒風獵獵路迢迢一櫂歸歟趁晚潮臨別爲留鴻爪蹟手磨殘墨寫芭蕉

客夜書近况寄耐老十一月十四日

殘宵獨自凭回欄獨自微吟獨自歎寒柝繞村驚短夢夜潮隨月上荒灘雲封雁路書
難達雪滿貂裘歲漸闌多謝故人相問訊殷勤勸我慎眠餐

懷甌碧館主

乍騎白鳳下瑤京便向梨園占盛名豔煞春風甌碧館絕無脂粉自傾城

銀燈初上月明時曾見當筵舞柘枝莫更春來種紅豆綠毛么鳳最相思

黔山回首白雲中累世衣冠一夢空休向人前怨淪落舊王孫亦泣途窮

老去荒江歎索居江花江草渺愁予何時得借賓鴻便寄與雲藍一紙書

問爾燈何意寒齋炤客眠惟應炤歸夢夜夜澧谿邊

鏡

頗恨芙蓉鏡朝朝伴著書愁眉與我鬢何事得瞞渠

題新華春夢記

東村負鼓聽盲翁唱出興亡一瞬中勸進竟陳名士表乞憐爭頌大王風十年富貴蟬
蛸夢萬里江山虎豹叢便爾稱尊建黃纛阿瞞到底未奸雄

梨園四豔吟

春風黃鳥語綿蠻花作精神玉作顏我欲訪卿碧甌館一簾秋雨話黔山

綠杜丹者貴州人姓黃名

越聰明越性溫柔侍墨司香事事優醉枕落花身化蝶史湘雲最擅風流

蕭湘雲者姓字也世呼瀟湘雲蓋僕

別開世界住神仙絕愛雙過一笑圓特爲賞秋開淡社粉痕狼藉酒尊前

粉菊花未詳名姓年可十

萬枝銀燭映翠愚正是程郎獻技時照出丹楓豔於錦一江秋水盡胭脂

程豔秋來自京都隸天蟾

無價夜靜孤山月有痕老我詩腸久枯寂贈君特地學西岷

雪美人

鏤冰爲骨玉爲肌小字真應喚雪兒痛惜華年成逝水偶因風絮起相思照來綺恨黃昏月繪出全神白戰詩卻怪羅虬太唐突比紅親自寫烏絲

泥美人

莫因聚散感沙搏幻出芳顏秀可餐林際尙呼泥滑滑幃中已聽佩珊珊雨雲夢好巫山續花月盟休息壤寒獨惜兒童少情思春游只解挈黃胖

出門

兩雨風風晝似昏不堪垂老尙馳奔臨行惹得梅妃笑纔到花時又出門

悼鄭生義川

坤廣

白髮餘生淚青燈舊日詩我衰今已甚君去又何之戶外苔常積毫端露尙垂筓灘與茗水兩地共悲思

奚翮雲

陸在田

于蓬石

三子頻年絳帳趨與君俱怛化今我重

去聲

歛吁大地荆榛滿

空山歲月徂無窮埋玉恨攬涕奠生芻

寒食日作

處處青林叫杜鵑似言離亂慘經年荒村久已人煙少何必今朝始禁煙
遺事曾聞說漢宮五侯新賜蠟花紅憑誰乞與分光燄一照哀哀澤畔鴻

清明

不值清明節那知景物移松楸游子淚雲樹故鄉思况又干戈擾催人鬢髮衰相逢杜陵叟同賦七哀詩

俠客行

七雄戰國矜剛隄不重儒生重游俠一言知己報以身就中獨數荆與聶聶政荆軻各擅長千秋腐史姓名白虹貫日魚腸出獨惜專諸墓草荒墓草荒荒墓門壞只有俠名世崇拜不是輕身一劍知市中屠狗終無賴吁嗟乎批面屠腸亦可悲漆身吞炭欲何爲神龍見首不見尾我所思兮博浪椎

彈琴

空山人不見獨坐素琴彈萬壑陡然靜松風生暮寒

鍾阜雲

悵望鍾山王氣沈我來躡屐一登臨紫髯霸業成灰土天闕浮雲自古今落日平蕪青
掩菴荒陵隧道碧陰森誰憐蒼狗須臾變御路黃沙野草侵

秦淮月

六朝流過又南朝惆悵秦淮水一條桃葉渡荒春似夢棗花簾卷月如潮難消綺恨吟
團扇相約寒簧品洞簫曾共中秋延賞處停雲館久草蕭蕭停雲館中秋玩月四十年前影事也

鬻歌女

秦淮好風月樂聖共銜杯忽有垂髫女煙波蕩槳來三更燈火淡一曲洞簫哀此亦嗷
嗷雁銀箏莫便催

華嚴庵悼衲雲和尚

庵在莫愁湖上聽事額曰
鬱金堂中供莫愁小像

著雨雲衣溼穿林筠笠斜因尋志公蹟重到莫愁家梁燕今何在池荷又放花思君百
無賴獨立聽鳴蛙

勞勞亭是昔人送別處

多謝沿隄柳勞勞管送迎紅亭一揮手落日與雲平花月閨中淚風沙塞外程僕夫催
就道驪曲已三聲

登清涼山眺望

直上

上聲

清涼最上

去聲

峯江天寥濶霧蒙茸地蟠龍虎山千疊足踏鼉鼉窟萬重埽

葉樓空僧寂寞翠微亭圯石甃磴欲尋避暑南唐蹟隔澗惟聞報午鐘

游滄園

小倉山翠撲頽垣中有園林舊姓袁今日復成橋畔路滄園應不遜隨園
入林莫辨路東西萬綠陰中曉霧迷行過柳門人不見一雙玄鳳隔花啼

鬢堆茉莉扇玫瑰理曲無煩阿母催橋影貼波眉月瘦有人徐蕩畫船來主人善崑曲
青樓妙伎多

就學焉播影瘦於眉
襟月為園中聯語

浮生偷得片時閒躡屐登樓飽看山忽地鐘聲催客去斜陽一路送將還

同人擬游雨花臺因雨不果

煙際露高岡岡邊有道場諸天散花雨妙法說雲光宅爲樓禪捨泉因煮茗香泉在兩花岡下
昔人品爲天 不堪泥滑滑跂足只遙望
下第二泉

車中望棲霞山

車中望遠山濛濛半雲霧只有古樓霞飛仙自來去

尋桃葉渡古址

舊游如夢復如塵攜屐重來躡綠茵向晚雨絲風片裏有人閒話六朝春六朝春茗肆名在桃葉渡上
心字湖中暮靄微淮青橋外蕩舟歸欲從渡口尋桃葉惟見鷓鴣涼水飛

過貢院前感賦

一從科舉廢矮屋久荒涼自昔文章府今爲市鬻場登樓望煙水地在秦淮河濱煮茗話滄桑
近多設茗肆 獨立生惆悵槐花秋又黃

醉後口號

熱血三升酒百壺闐然天地一狂奴折腰那肯師陶令罵座何曾學灌夫蕭瑟年華愁
衰老輪困劍膽醉中粗亂離時世才焉用只合荒江伴野鷺

柴門

北窗一枕睡初足起汲清泉灌花藥綠藤陰下破柴門盡日無人來剝啄

秦淮雜詠

鈴聲隱約出橫塘買得桃梨未忍嘗留待晚涼簾半捲衆中含笑擲檀郎賣果
嚴妝未竟阿孃催教赴湖心綸席陪卻效當年王子敬載將桃葉渡江來渡妓
銀甲纖纖撥四絃緩搖柔搗傍船舷阿儂略解揚州調羞向人前學數錢露歌
刀匕鍋鑪貯滿船臨流洗手作羹湯有人教製糊塗鴨翠釜初開一路香行廚

舟行過方窰悼故友方菽臣

湯家橋外水粼粼不見柴桑老逸民惟剩東籬數畦菊秋風冷落瘦於人

僧鞋菊萬壽菊非菊也而冒菊之名殆世所謂充隱者歟黃子惡焉因作詩以刺之

僧鞋與萬壽要共菊爭榮那有高人節偏充石隱名松蘿丁世故猿鶴習人情只恐山
靈笑移文製已成

七月十七夜四鼓夢登燕子磯賦詩題壁醒後遺忘數字急起挑燈補綴成之
天風吹戛珮瓊瑤獨立危磯望太虛森森長江界吳楚蕭蕭古木下淮徐眼中人物龍
頭少夢裏家園雁足疎愁對黃花搔短髮寂寥琴劍欲何如

中秋夜乞月詞

乞得誰家巧思多銀河路角二更過阿儂獨愛團圓識不乞星妃乞月娥

八月十六日自南城歸途中卽目

飽看秋色倚舷歌一路斜陽映碧波雲過樹巔閒似鶴天沈水底澹於螺問誰大夢醒
胡蝶老我荒江隱薜蘿聞道風塵正酣戰紛紛羣蠹聚南柯

苦恨

苦恨花間漏點遲五更睡醒枕閒敲寒生蛩蛭相思夜秋入星河欲曉時潦草光陰雙
鬢換別離情味一燈知煩憂訴盡無人會自撥釭香自賦詩

客中風雨夜

風緊偏疏檣孤燈一點青那堪今夜雨獨在客中聽坐久香先燼愁多酒易醒還家五

五更夢隱約過長亭

客中得璧臣書賦此卻寄

間身隱薜蘿叩角一悲歌老去詩懷減秋來客思多影和燈繾綣愁借酒消磨欲折芙蓉
贈花開奈晚何

散步

觀書悶難遣散步小庭隅病蝶秋逾瘦癡蠅暖復蘇連日晴暖客愁雙鬢短鄉夢一燈
孤何事征鴻至家書隻字無

十月初九晚歸自水月菴舟中口占

向晚歸途急高歌獨叩舷迎風蘆散雪映水月隨船漁火隱迴岸水禽啼暮煙衝門知
不遠燈影竹籬邊

寒雞

聽斷疎鐘白下聲又從野寺聽雞鳴星霜古驛人千里風雨幽窗夜五更料峭寒衾夢
初醒蕭條茅店月微明年來我已頭盈雪起舞無心效祖生

寒鴉

頑雲玳瑁暗遙天接食江頭瘦可憐流水夕陽仍此地冷風朔雪又今年玉顏寂寞啼
寒月銅笛蒼涼起暮煙爭及舊時鷗鷺侶蘆花策暖穩宵眠

客夜聞笛

風急浪翻天孤栖滄海邊何人夜吹笛驚起老龍眠世事魚同爛家書雁不傳明朝臨
鏡照雙鬢益蒼然

奇冷 十一月初七夜

孤衾如潑水奇冷是今宵髮爲思家白愁難借酒澆客懷悽永夜歸夢逐寒潮盼盡南
飛雁無書慰寂寥

明月照孤榻

明月照孤榻愁人敲枕看風搖燈影亂霜逼角聲酸當世正多事他鄉客暫安如何家
信至只是勸加餐

蠟梅花下偶成

此花開後無花看曾誦微之詠菊詩誰信蠟梅偏耐冷殘冬又放兩三枝

冬暖

雲重疑鋪絮寒輕乍卸綿如何殘臘候竟似暮春天綠潤莓苔徑青回薺麥田農人方
望雪滕六莫俄延

除夕感懷

吟帷寂寂一燈孤自寫荒齋餞臘圖釀雪天寒宜縱酒祭詩人少且圍鑪慘看大地兵
烽起誰惜深山歲月徂莫更鏡聽占吉讖繁霜已漸滿頭顛

除夕納賦晤松庵

自與唐生別相思輒惘然他鄉重握手急景又凋年杭稻輸天庾詩書守硯田不堪兵
火急催上雪盈顛

鶴窠村人詩稿卷七

甲子元旦試筆

上海黃協垣式權著

無端遭鼎革避世隱林泉久作漁樵侶重逢甲子年澆書方縱酒賀歲懶投箋寫罷宜
春帖山窗一枕眠

行篋中檢得七十歲小影率題一詩

閱盡人間世謀生亦大難惟留真面目未改舊衣冠龍性馴非易鳩居拙自安任他羣
蟻鬥於我總無干

生計詩 有序

上海有世界小報者不知何人所作摭拾余幼時所著淞南夢影錄胡亂塗改未
綴黃夢畹遺箸一若謂余已作古人者然同社漱石孫君見而大憤貽書囑為懲
責余豈惜死何必諱言特恐愛我者不察或以生芻一束投之余將何以爲謝爰
仿昔人生挽之例賦生計詩以告海內外同人不曰告存者禮

八十月告存余年未八十也

七十三齡老鄭虔詩篇零亂未成編綠章昨向通明奏乞再人間住幾年
半生飄泊任東西久歎文齊福不齊獨有破天荒異事眼看遺著得災梨
訛言海外東坡死飛短流長笑置之只學錢唐袁太史傳箋索和告存詩
塵世蜉蝣孰賞音便填溝壑亦甘心惟餘一事須叮囑莫再河豚膾本臨

入春陰雨

陰雨小窗前拋書盡日眠春應來紫陌人尙御紅綿以我飄零客况當衰朽年思家歸
未得雲樹望江天

病榻口占

絕無舊雨過門前終日昏昏一榻眠還算東風是知己吹梅花落枕函邊

愁魔

愁魔難借酒杯降薄病輕寒掩繡幃蝴蝶似憐人寂寞銜香飛入小吟窗

清明日客鶴沙城作

忽忽春城晚勞勞嫁綫忙青山虛舊約白髮滯池鄉魚雁經時斷松楸盡日望看人上
先隴頓觸淚沾裳

殷孝子詩

孝子名士讓原籍丹徒避亂居
泰興以殷母故焚死烈火中

不道衙門下居然內行肫半生能養志一死得完仁猶憶垂髫候方逢避寇辰移家忙
歷碌終夜苦吟呻異地難謀食空山學采薪但求供菽水邊計觸風塵再再兒年長悽
悽母病頰目昏蠅亂舞支廢蠖難伸作賈趨朝市扶危託比鄰禱天中夜跪嘗羹兩眉
顰戲綵歌新曲留羹獻老親偶然違色笑忽地起邇迤雜沓鉦盈耳蒼黃火及身頓拚
薄窮命奮鬥鬱攸神冒死飛援救衝煙肯逡巡遠字字書無仄聲然唐人詩有去遠知己住
遠親策馬郡門屢逡巡之句則古人已有用
之者遂教臥冰子慘殉倚閭人赴弔稀朋舊埋屍賴縉紳墳成山岬嶧碑刻字嶙峋更
鈴向轅叩同將懿德陳大書旌孝碣齊釀建坊銀吉日衣冠萃崇祠俎豆新非徒革澆
薄還以勵孤貧願我頭如雪瞻雲淚滿巾門衰嗟後起餅馨痛鮮民覆育恩誰報杯椽
澤久湮忝爲上庠士題筆愧無垠

清漣寺卽事

俗呼玉泉寺

琳宮深處百花香清磬聲希晝日長向晚倚闌人去後東風替掃小迴廊

早起望湖

早起推窗望殘星尙在天何人攜鐵笛吹散滿湖煙

孤山謁林處士墓

昔懷陶淵明今謁林君復孤山千樹梅何讓東籬菊

西谿秋雪菴賦贈無我上人

閒從湖上挈鷗朋勝日尋幽策瘦藤行盡西谿谿九曲一天秋雪訪詩僧

煙霞洞

奇峯岬嶂樹槎枒中有棲禪隱者家絕壁晴雷飛瀑布深山古洞鎖煙霞偶招舊雨同
移屐相約僧房共看花世事紛紛何足問且隨劉阮喫胡麻

蘇小墓

在西泠橋畔

惆悵藏鴉柳盡髡南齊遺事忍重論殘花落鴛鴦冢芳草春迷峽蜨魂何處同心結
松柏有人豔史話黃昏可憐歷盡恒河劫只剩鄉親舊姓袁

秋雪庵謁歷代詞人之位

一龕燈火奉詞仙彌勒須菩許並肩殘月曉風楊柳岸淡雲疎雨鷓鴣天鶯花當日歸
鑪韞藻今誰薦几筵我是淞南詩弟子到門親爇瓣香虔

甲子春暮居停湖上春潤廬排日出游飽覽湖山之勝臨別賦此卽呈主人朱潤
生

拂袖離塵圜廬結數椽秋潮迴鏡檻主人自號鏡生春雨潤琴絃偶遇尋詩客邀乘泛月

船歸來同一笑襟上滿湖烟

三月十六夜月明如晝偕錦堂潤生泛舟至平湖秋月登岸散步夜半始返

捲盡層雲玉宇開月光人影共徘徊似聞隔岸山靈笑又爲尋詩特地來

十里明湖一葉舟黃昏結伴作清游平生絕愛春宵月何事騷人只賦秋

僧徒散盡佛寮局殿宇荒涼砌薛青獨有翠華臨幸處巍然猶矗御碑亭

夜深燈火半淒迷迷官鼓紉如月漸低風露滿襟人意倦歸途遙指白公隄

小青墓歌

墓在孤山輿林處士相近

野花開遍孤山麓黃土深深瘞香玉風斜雨細不成春商聲譜出淒涼曲曲裏多言馮
小青嬰伊生長竹西亭華年三五盈盈月嫁得馮郎賦小星河東獅子無端吼管鳳鞭
鸞苦難受漆室沈埋年復年情絲扭斷湖中藕一朝怒叱赴西冷冷雨黃昏獨自聽只
有牡丹亭一卷挑燈細讀掩疏櫺弘農女俠多才思邂逅花間話身世拈毫填得想夫
憐苦勸紅顏休自棄罡風吹散美人雲頃刻幽閨別緒紛從此無人慰岑寂終朝玉箸
溼羅裙落花飛絮身無主病入膏肓命如縷一甌梨汁鎖心煩強對菱花惜眉媚畫師
誰是李公麟病榻招來替寫真手執松煤三易稿含顰斂怨始傳神黃衫客挾郎君至
隔宵已痛芳魂逝逝爲築巢居閣外阡埋香地是埋愁地我來訪古已春殘酬酒荒郊弔
玉顏同墮情天嗟命薄可憐我已鬢絲班

游九谿十八澗

一谿復一谿谿流澹澹激青天一澗復一澗澗聲冷冷鳴水絃絃愈曲折澗愈窄兩崖
蒼翠霏雲煙行行數里少人蹟惟見幽禽上下飛迴旋時平不復憂寇盜采茶村女提
籃結伴歌田田與人迅捷如飛鳥赤足踏石忘胼胝雲淦淦兮起足底日呆呆兮升巖

巔沿谿午雞寂隔澗沙兔眠欲尋歸路苦不得但覺山重水複石壁齒齒相鉤連似此
幽徑絕人世拍手大叫仙乎仙采山躑躅紅杜鵑羊腸一綫繞山轉出山猶覺心悄悄
停輿步入水樂洞滿身山翠聽飛泉

石屋洞

古洞幽且深洞門閉清晝藤陰掛蝙蝠松梢竄鼯馳道人隱者流歸鉢龍聽咒清談日
晷移密竹茶煙漏一笑賦歸來山雲携滿袖

水樂洞

洽洽松風鳴錯疑是仙樂入洞試尋之凌空度略約松風既不聞仙樂亦不作始知幽
澗泉滴瀝空中落余本清淨身奈插紅塵脚素衣漸化緇衰鬢今逾白願借在山泉一
洗胸中惡山靈倘有知當不曰莫莫

放舟西谿抵交蘆庵謁厲樊榭杭董浦兩先生木主追步清尊集中汪少洪蓮孫

韻得詩三首

蕩破春江卯色天扁舟來謁兩詞仙菱花黯淡窗前鏡

樊榭人月上
木主同供庵中

榆英飄零雨後

錢古錢故云各領墨軍摧勁敵同歸佛土結前緣觥觥大集名山壽也抵傳薪有象賢

重帷深下讀書堂苦戀柔鄉與醉鄉到底才人工跌宕得逢居士亦清涼宋韓王解兵柄後騎驢

湖上自號清涼居士即今世變滄桑局依舊天留翰墨香一事兩先生可喜鹿門偕隱願終償小

以杭厲兩夫人木主無從尋覓爲憾今知兩夫人皆氏韓已同祀庵中矣

鴿糞蛛絲四面環一籠香火有無間主供庵旁小屋中平日扇塵埃滿地酒掃無人但留紫燕棲茅屋誰繫

青驄叩竹關三月鶯花成夢影九秋蘆雪滿谿山夜深蟾魄明如水恐有詩魂化鶴還

壑雷亭

省識西湖面煙波似鏡平如何此亭古獨以壑雷名絕澗飛泉瀉危峯夕照明歸途穿

竹徑耳際尚砰訇

向晚韜光寺茗話

僧房人散暮鐘撞時有閒雲過竹窗步上最高山頂望海風吹雨入錢江

自靈隱寺出小坐冷泉亭上

偶來靈隱寺一徑萬松青伏虎師何在呼猿洞窅冥言尋小顛蹟小顛係道光朝詩僧因憩冷泉

亭日暮人歸去疎鐘隔澗聽

法相寺即目

遠望層雲中見山不見寺及至寺前觀結構隨山勢庭花落更開日午紅如醉山鳥鳴

花間見人輒飛避佛龕臥瞿曇雲樣漆還塗醜涅槃已千年尙被形骸累旁有優婆夷喃

喃宣妙諦僧徒三五人不知塵世事但云結佛緣他生生佛地余本儒家流宗旨迴殊

異一笑別僧歸落日試游騎徐穿松徑行衣襟滿山翠

夜偕寄凡松庵過種芝山房聽蜀僧大休師彈琴

邗僧雲間昔善琴時坐石磴閒披襟一彈四座寂無語惟聽謾謾松風音雲間沒已十

餘載琴聲歇絕難追尋大休抱琴自蜀至有山水處時登臨興來臨風試一奏湖水容

與湖雲沈三月十九夜方午湖墻踏月邀朋簪謁師禪榻乞師鼓要從琴德參禪心師

笑莞爾呼童子拂拭淨几無塵侵初彈平沙落雁曲落霞倒映天陰森飛沙瑟瑟雁哀

唳時有歸鳥投長林及彈禪門普安咒撥弦轉軸聲愜愜茗煙繚繞萬緣息惟覺花木

禪房深曲終推琴送客出星稀月暗天陰陰自言此間意不適游人難選湖之潯會將

飛錫渡江去結茆直上超山岑暇當作畫寄君看萬梅花裏僧孤吟

大休善畫工詩云將駐錫超山

清曉步蘇隄上口占

湖煙羃羃水波平時有游人打槳行我獨尋詩步隄上綠陰深處聽流鶯
沿湖一帶多名勝處處亭臺竹樹涼何事蘇公隄十里不栽楊柳只栽桑

再題春潤廬

檻外花飛雨堤邊柳化綿山青濃潑黛湖白淡籠煙潦草將歸客微茫欲雨天臨歧遠
覓句題壁證前緣

謁岳墓感成

特勅師從勝後班至今遺恨滿湖山孤臣已中東窗計二聖何由北狩還但使黃龍能
痛飲底須白鐵鑄神姦豺狼當道君昏闇空惹英雄血淚潛

虎跑泉

紛紛狗苟與蠅營舉世何由濁浪平獨有虎跑泉一勺出山仍似在山清

飼蠶詞

五月賣新絲新絲不盈箔青樓有好女渾身被羅縠見之肆挪揄一春枉勞碌蠶婦不
敢言低頭淚蔌蔌今年雨水多葉貴如珠玉况值干戈餘柔桑半枯禿羅掘既已空紅
蠶難果腹上有白頭翁無衣身難煖下有黃口兒啼飢中宵哭里正又催租叩門聲剝
築哀此悖獨民苦况傷心目爲賦飼蠶詞哀哀告當軸

溫

鶴窠村人詩稿卷八

夕陽樓

任焦山樓額爲銜
陽彭剛直公手題

上海黃協垣式權著

十萬旌旂蔽大江中興事業說彭郎英雄一死江山變空騰高樓鎖夕陽
焦山自然庵敬觀楊忠愍公獄中手墨

忠肝誼膽與誰參一疏批鱗死亦甘獨有團扉數行墨至今流落自然庵
吸江亭是焦山最高處

直上金鼇頂上來四山如畫翠屏開昨宵夢約仙人飲倒吸江光入酒杯
游焦山觀陸放翁題名記

淘盡英雄剩翠嵐問君何事此停驂江南亦是干戈地未必谿山勝渭南
途中詠所見

換酒歸來過野墟夕陽籬角豈花疎黃梅爛熟朱櫻細正是江南五月初

林泉和尚塔院觀林公泉 在竹林寺

林公渺何處塔院至今留幽鳥竹間語紅泉花底流逢僧叩眞諦指月證前修日暮徘徊久清冷蕩古愁

松寥閣 在焦山

一上松寥閣全無俗慮侵怒濤春曲岸清磬越疎林綠茗勸佳客青琴流古音山門留玉帶珍重抵千金

鶴林寺 在磨笄山下

爲訪鶴林師因過鶴林寺門掩落花深隔牕聞鶴唳

焦山周鼎歌

雷文黜黷頑銅綠百乳雙夔銘在腹云自周家傳至今幾回編入滄桑錄生愁終夜吐光芒綈綿千重什襲藏曾入京江舊家手千珍萬寶等球瑯分宜嚴氏恣貪墨瑰異窮蒐誰敢匿豈知神物早知幾百計誅求終不得一朝轉徙入僧寮枯木堂中位置高肯入朱門媚權貴寧依佛火守清寥僧家亦自知珍重檀几焚香虔奉費盡千辛萬苦功陰陽爲炭常摩弄我來訪古叩禪關敬告山僧乞一觀三沐三薰始開匱忽驚寶氣

斗牛蟠二王

西樵漁洋

兄弟曾題誌朱十

地竹

詩篇更奇麗欲補宣和博古圖慚予未識蟲魚

瘞鶴銘歌

海門東下江流長攔江一磯石巉嶮葱鬱鬱佳城佳華陽真逸此瘞鶴瘞鶴銘留數百言赤文綠字磨崖鑿字如椀大勢飛鷲似挾飛鷲走潛鰐天公恐洩山川奇下遣六丁怒搏攫焜焜電火閃雷鞭直驅石向江心落萬斛狂濤日夕舂字漸模糊石漸剝山僧作僞心計工贗本河豚摹約略居然一紙價千金得者珍之度秘開侈言字體似羲之籠鵝館裏恣磅礴或云有唐顧况書或謂皮家曩美作紛紛議論總無根徒使山僧供笑謔幸有長沙勤恪公特從水底持繩度萬牛力挽上層崖庇以危亭使棲託水洩沙埋七百年一朝奮起如龍躍從茲摧塌日千人波深不畏龍蛇虐年逢甲子我來游亭角尋碑恣摸索只愁出水二百年猶染蛟涎氣腥惡中宵倘有鶴歸來江天無際江濤白

游竹林寺 在夾山下

昨夢游岷崙赤松來把臂置風吹我回依然墮人世人多煩憂習靜來山寺入山既已深竹露沾衣袂寺前逢比邱叩我來游意導登法雲樓紅鱗茗同試我生本淡泊頗厭膏粱膩半日靜無言兩心默相契旋觀林公泉屐齒破苔翠徘徊修竹陰泉聲潄詩思日暮別僧歸僧亦掩關睡

謁載公祠 公諱載穆宣統朝任京口副都統革命事起偪降不從仰藥以殉革軍敬之爲立祠於北固山甘露寺山門內左側

載公守京口時值辛亥秋革軍突起郡邑皆戈矛橫刀偪公降不降須斷頭公曰我男子豈肯事國仇所惜我死難兵散誰能收請寬一日期容我中宵籌中宵不成寐血淚濡衾稠平明起九拜天子知臣不臣力既已竭臣死復何尤鶴頂與鳩羽得一萬事休豚魚信可格况亦斯民儔肅然敬奇烈殮葬崇塋修築祠傍僧宇春秋薦庶羞昔聞瑞將軍誓死守杭州八千子弟兵殉節無遺留公今一身當不貽人民憂江雲冉冉生江水湯湯流公名與雲水千載長悠悠

游金山寺

即勸建江天寺

高踞碧雲端禪林此壯觀江天開勝境風雨護靈壇禮佛優婆集談經丈室寬壁間奎藻煥臨去幾回看

樹雲

樹雲望斷人何許欲寄相思誰寄與併疊愁人一倍愁芭蕉庭院黃昏雨

垂老

垂老倦行役獨吟聊自娛客愁多鬱積鄉夢半模糊况值黃梅節深林聽鷓鴣似言行不得滿地是江湖

消夏詞

日日奇峯幻火雲客中何處避炎氛祇應畫个清涼境水竹三分屋一分黃昏浴罷晚風微徐著桐鞵換葛衣獨自尋詩步池上藕花深處一螢飛柳影蕭疏竹影清中庭閒坐暑風輕炎涼何與吟蟬事卻踞高梧嘒嘒鳴夜深涼月下庭柯微覺輕寒透薄羅戲問瓊樓最高處金風玉露更如何衆仙舞罷古霓裳齊倚雕闌共納涼獨有羲和偏耐熱手推赤日上扶桑

靜坐文窗日似年，偶因午倦枕書眠。夢回紙帳香成霧，知是新開古刺泉。
秧田雨過叫蝦蟆，旁有方池一鏡斜。豫約吟朋侵曉起，放鸞亭畔看荷花。
銀河清淺露霏微，暫輟瑤宮織錦機。忙煞閨中小兒女，安排花果祭星妃。

客中讀嘯古堂集中蔣劍人明經

酒酣長嘯獨登樓，萬古蒼茫眼底收。杏子春衫名士淚，菱花曉鏡美人愁。
高臺馬骨悲身世，絕代蛾眉少蹇修。我亦江湖慣漂泊，一回展卷一低頭。

焦山之游惟別峯庵未到，因中追憶爲補一詩

芒鞋終日事幽探，處處紅牆繞翠嵐。卻與漁洋同一憾，尋詩未到別峯庵。
漁洋山人祠
曾向焦仙祠

外望至今留憾
別峯庵之句

閱瀛壖雜誌記壬寅之役上海楊典史慶恩殉難事係之以詩

礮火喧天白日昏，千家齊效鹿斯奔。一官蟻蝨眞微末，偏解捐軀報國恩。
頃刻江心起怒濤，甘將性命等鴻毛。微臣自赴波臣約，媚敵無須怨太牢。

長夏客中卽事

方池水滿亂蛙鳴，微覺涼風卽次生。盡日苦吟詩未就，桐花如雨撲簾旌。
午風拂拂漏沈沈，手倦拋書臥綠陰。綠陰擾擾心忘不得碧梧枝，上一蟬吟。
夜風吹暗小銀缸，鐵馬檐前亂擊撞。夢醒尙疑身作客，瀟瀟急雨打蓬窗。
處處荏苒聚亂徒，丸探黑白夜相呼。不知沈李浮瓜客，還有南皮勝事無。

客窗雜感

猶記秦淮載酒時，畫船銀燭醉題詩。而今老作諸侯客，獨對菱花感鬢絲。
攜朋閒訪列仙家，射覆藏鈎到月斜。一自梅花笛中落，至今留恨海天霞。
月漸荒涼露漸零，徵歌重過古旗亭。銀蟾彩鳳皆仙去，一曲霓裳掩淚聽。
絕愛梨園胡碧霞，越聰明越態風華。風濤險惡人嬌小，腸斷江頭葬落花。

與客談莫愁湖之勝

曾公閑對鬱金堂，雪藕調冰暑漸忘。十里荷花香旖旎，四圍山色夢清涼。
評茶偶悟新詩境，折戟誰尋舊戰場。卻羨鷗鷺最閒適，一生常占水雲鄉。

乞巧詞

仙會良宵一瞥過穿鍼兒女興如何阿儂獨守田園拙羞看人間巧宦多
織罷龍梭夜已闌臨流欲渡故珊瑚不須更借填橋鶴萬丈銀河徹底乾
白頭重訪故園秋乞巧筵中蛛網稠自避兵烽走商洛十年不上曝衣樓
老閱風塵太瘦生天公誤我是聰明祇應乞賜銀河水灑向西南洗甲兵

顧橫波

淡淡眉峯畫不如眉嬈曾此築樓居誰知水賸山殘後又值鶯嬌燕婉初三笠煙雲瞻
老佛兩朝領袖侍尙書羣仙爭捧芝泥誥齊說夫人舊姓徐

李香君

下第南來賦定情清谿曲處遇雲英滿朝簪笏爭朋黨絕代裙釵著俠名邵聘終歸侯
雪苑填詞應續柳耆卿指雲亭山人劇憐一霎滄桑變扇底桃花畫未成

雨後新涼閒步

一水漲前谿谿邊杖策紫涼生梧葉雨危墮燕巢泥徑僻尋樵問詩成揀竹題道逢沽
酒客挈榼過橋西

客夜

樹密秋先到燈昏雨乍停池心螢點碧雲罅電飛青敲枕聽宵柝披衣望曉星客中誰
與語經夜眼常醒

野行書所見

一櫂遡清谿谿橋雁齒齊雨添秋水潤雲壓夕陽低古木昏鴉集荒祠野鶻棲村氓無
世慮歸路醉如泥

甲子秋詞

血肉橫飛礮火稠紛紛驚散水邊鷗誰知海上諸年少正掉觥船賦冶秋
棉田一望白皚皚半踏爲泥半化灰只有兩三枝瘦菊秋深猶傍戰場開
無端兵火照江湄萬戶奔逃半夜時卻怪書生最閒適滿階黃葉獨尋詩
秋原落日照旌旄一霎驅平萬丈濤莫戮鯨鯢築京觀鰻魚已向海東逃
紅葉林中奏凱旋腰纏十萬盡金錢今朝始識從軍樂辛苦沙場已十年
鸞肩瑟縮欲何依遙望家園淚暗揮我勸秋風歸緩緩哀鴻百萬尙無衣

題畫句句畫圖

畫句者誰氏曰朱朱霞天半五色舒受塵滬上有年所閉門作畫聊自娛句曰我畫本
無法惟收宇宙歸蘆樓臺金碧山楮綠古人妙筆羞臨摹邇來乞者日衆集叫囂
突如追連句嫌鸞畫苦拘束不如託鉢沿門呼有善畫者乞施與早辦大几長牋鋪日
之夕兮挾畫出碧山紅樹秋深初一聲長嘯天地窄臥游四壁皆璠璵我鄉鹿溪有酒
勾手操瓢杖身無襦不勾金錢勾白酒酒酣倒臥文君壚又聞詩句張夢晉彈缺恥曳
侯門裾奚囊背負闔詩席千人石畔歌烏鳥君今勾畫來市井滿眼塵俗皆屠沽寸縑
尺楮值千鎰誰能捨與吹簫徒我詩惡劣不成句每逢素壁鴉亂塗換君之畫計亦得
君休搖手笑曰毋

甲子小春十日松庵招往觴菊適爲兩阻賦此謝之

昔唐聽松香執菊花萬本數秋英蜚寒蜺瘦月三徑招集勝侶飛瑤觥今茲松庵亦
高士柴桑小隱襟懷清雙松館外數弓地朝培夕灌忘勞形深秋佳日菊初放
時距立
多尙二
日招我同泛蜻蛉輕爲言秫田三十畝茅柴酒熟方開罌天公噴我太無恥餽噉每借

看花名况復江南與塞北蕭牆岬啓方鏖兵中宵礮火如蝗集嗷嗷四野哀鴻鳴爾乃
條然不過問賤花覓句多閒情怒飭兩師阻游屐泥水滿路人難行持螯把酒徒夢想
耳根檐溜聲瓏玲蟄居斗室苦岑寂尋詩獨倚花間楹詩成夢化蝴蝶去寒香拂拂如
相迎

淡社賞菊有感

年年每值菊花期比玉堂開集屢綦近喜煙塵消北地
聞直奉有
休兵之議又吟霜月醉東籬燈
明綺席頻呼酒影上文窗似索詩只是灌園人不見
諱石喜種菊已
於去年下世哭君我亦鬢成絲

題水仙畫

白石清泉絕點埃弄珠神女夜深來凌汲羅幃誰能見枉費陳王作賦才

秋色

秋色老蒼葭秋懷一倍加孤燈搖客夢冷月咽征笳旅况誠無賴吾生信有涯寒蛩休
絮絮中夜正思家

越二日又題一詩以質淡社諸吟侶

劫餘重上仲宣樓又報東籬紫豔稠霜徑喜逢英乍落楚詞夕餐秋菊之落英朱子註落始也槽牀况聽
酒新鑿人來白社隨緣住秋爲黃花特地留我有故園歸未得西風簾卷不勝愁

寄衣曲

寂寥客館一燈微遙望庭闈老淚揮記得兒時寒夜讀阿孃相伴製綿衣

甲子續秋詞步前韻

鏡中漸漸二毛稠尙作漂搖水上鷗忽聽榆關諸將士遍傳新令要防秋
粉牆無復白皚皚盡化昆池劫後灰纔喜東南息兵火當熊人又戰端開
黃雲關接綠江湄中澤哀嗷夜半時滿眼流亡誰寫得監門圖畫少陵詩
獨向中州擁節旄又從海上起波濤如何伐盡嶠宮桂只學嫦娥竊藥逃
短衣匹馬獨盤旋百戰歸來沒一錢閒共遺民坐沙渚白頭重話鼠兒年
獨立危峯絕所依手持羽扇六軍揮誰知高柳西風急又說新蟬已蛻衣

客中雨

細雨寒燈暗荒城暮角連亂蛩梧葉地歸雁菊花天以我客懷苦憑誰家信傳遙知征

戰處今尙斷人煙

十月二十五日淡社菊讌口號

我欲狂呼陶淵明東籬秋夕同餐英我欲笑拉劉伯倫青山荷鍤相隨行陶歎劉歎兩
不應令我懷古涕縱橫淡社諸友苦相勸邀我良夜同飛觥菊花四壁繪秋影明燈反
照玻璃屏葡萄美酒水精饌對花豪飲如長鯨席間默默太無味狂談諸諠妙緒生菊
花恐我不能醉寒香飛滿銀酒鎗三蕉既罄忽惆悵悵悵時局何由平自中秋前肇戰
禍迄小春未海宇寧南翔瀏河至黃渡田隴荒廢無人耕墟井寥落戶盡閉死者流血
溝渠盈近更東北戰塵起黃榆關外鴻哀鳴人民慘屠如犬豕屋宇摧敗無全楹旄頭
星惡光燭地婦孺野哭潛吞聲我儕蟄居渤澥曲遠望烽燧常心驚茲嘉會少釋悶
醉中猶覺心忤忤顧徐唐謝皆老友泥我同掉航船輕腐儒憂世百無用不如花下陶
閒情斯時夜漏已三下尋詩繞柱詩難成伯倫淵明倘過我再呼青兕攻愁城

賓紅閣樂府目次

詞

望江南 題元夜放鐘圖

其二

風蝶令 戲題日本女子阿花羅吧

浣谿紗 送人之吳門

浣谿紗

浪淘沙

醉太平 為林湘君眉史題墨荷小幅

柳梢青 贈蘭仙

清平樂 題美人松下調鶴圖

點絳脣 鳳仙花

醉太平 日本森川竹聽秋館題壁

賓紅閣

溫州

賣花聲 題貴陽陳衡山梧月山館圖時同客日本

減字木蘭花 題陳冠玉門塞圖

南鄉子 題梅花美人畫幀

南柯子 觀小伶胡碧霞演劇

憶江南 日本紅葉館席上為諸麗人題扇同森槐南秘書孫子與大令作

四字令 代題朱雲遠半甲乙詞

醉花陰 前題

浣谿紗 喜兒詞

菩薩蠻 折花

柳梢青 題于香草石上參禪圖

虞美人 題蔣蕙深明經姬人拈花圖

采桑子 牽牛花

減字木蘭花 秋海棠花

菩薩蠻 鳳仙花

醜奴兒 閨情

醉太平 夏閨詞效奚燕子體

菩薩蠻 偶讀李笠翁舖註詞有米大尖頭何處能棲鳳之句戲反其意譚為小詞非敢嘲時亦為李後主懺風流罪過耳

柳梢青 壽珩君

攤破浣谿紗 偶讀潘廬詞戲効其體

望江南 端午閨詞

浣谿紗

柳梢青 讀庚子秋詞

曲

北新水令 題青浦蔣蕙深明經愚園游息圖

南商調 為奚森伯題照

北折桂令 感懷效竹垞太史葉兒樂府體

賓紅閣樂府目次

北雙調新水令 香光樓祭邑中前輩詩人歌此以代神絃曲

道情

除夜自歎

賓紅閣樂府

望江南

題元夜放鏡圖

昇平景佳節慶元宵萬戶千門皆錦繡丹宸絳闕盡瑤瑤火樹復星橋

其二

華鏡燦香動六街塵良夜是花都解語仙家有樹號長春風景一時新

風蝶令

戲題日本女子阿花羅吧

豔極偏宜澹情深轉若疎喁喁私語怨檀奴爲甚將儂小字對人呼 薄溫顰含處慵妝病較初花魂昨夜不勝扶可有欺花細雨濕花鬢

浣谿紗

送人之吳門

上海黃協垣式權著

夜半寒潮沒釣磯臨風揮手片帆飛一聲珍重復牽衣
暗祝趾離圓好夢生愁少女
誤歸期柳絲欲折更依依

浣谿紗

綺夢灰殘忍再溫峭寒獨自掩重門風風雨雨又黃昏
晴雪白粘詞客鬢宵鏡紅瘦
女兒魂不堪聽唱鮑家墳

浪淘沙

風雨澹寒葩繡幕低遮自描清對菱花怨殺游絲無著處送盡年華
漂泊在天涯萍
水爲家向人弄筆學塗鴉莫被斷腸吟一集誤盡才華

醉太平

爲林湘君眉史題墨荷小幅

鴛鴦夢長蟾炊影涼盈盈一鑑方塘照天然素妝
風飄荷細霞浮菱裳回頭笑問檀
郎是花香墨香

柳梢青

贈蘭仙

蟪蛄窗明夢痕留蝶睡味憎鶯擱下琴心圍將帶眼一味淒清
紅心枉自盈盈更誰
惜煙飄露零空谷苔深荒江月冷等是傷情

清平樂

題美人松下調鶴圖

齋壇書靜滿地疎松影聽一聲花外磬驚得胎仙夢醒
金丹餌後肌香煙裾霧縠
輕颺願得騎將紫鳳月明飛度紅牆

點絳脣

鳳仙花

瘦影伶俚秋心一點憑誰寄相思有淚灑遍蒼苔砌
有個人兒紅染春蔥膩宵初睡
被郎偷覩疑是丹砂細

醉太平

日本森川竹磎聽秋館題壁

秋河漸橫秋星半明何來一片秋聲是三更四更
梧飄葉輕筆吟韻清有人斜倚孤
檠正閒愁暗生

賣花聲

題貴陽陳衡山梧月山館圖時同客日本

梧翠撲簾旌山館宵清黃庭讀罷對孤檠詩夢醒來懷小謝池草初生
觀海到蓬瀛
久別書城閒摹粉本寄幽情猶似當年明月夜一片書聲

減字木蘭花

題陳冠玉門寒圖

銖衣霞帔洗盡人間脂粉膩月曉霜清相約驂鸞下玉京
風飄袂舉隨意良宵游戲
去莫門嬋娟只恐秋生翠袖寒

南鄉子

題梅花美人畫障

獨自怯憑闌香雪千林曉露溥略記年時春夢裏姍姍姑射人來翠袖單
鏡裏黛眉

攢折得寒葩未忍看只恐一聲銅笛怨闌珊花影蕭疎月色寒

南柯子

觀小伶胡碧霞演劇

嬌小懷中置輕盈掌上擊喬妝越是可憐生越是絕無情處處越含情
卻扇微障袖兜
鞦故掩檠伴羞薄溫不分明未敢人前孟浪喚卿卿

憶江南

日本紅葉館席上爲諸麗人題扇同森槐南祕書孫子與大令作

個人好出水似紅蕖小字鑄茗嘆客喚低鬟侵月泥釵梳浴罷晚涼初
芳年小袖薄不禁寒肯與嬌花爭豔麗願爲慈竹報平安獨自倚闌干
鶯花主只合住蓉城增一分愁顰愈媚到三更月魄尤清一笑也留情
風流夢蕉鹿證因緣幻想願生無欲界前身悔住有情天頂禮法王虔
風塵老衰柳泣寒潭夢影可能尋倦蝶情絲猶未斷春蠶花事憶黔南
銀箏弄美景憶當年短夢輕塵如隔世落花飛絮誤前緣心事託春鵲

真堪愛一笑，賴生渦明豔。乍疑珠照夜，鮮激差似月。舒波欲別奈，情何愛。

銀鏡醉相對，語喁喁。紅褪蜥痕，防姊問。裁魚子爲郎，縫合喚有情儂。無人處，默默訴芳悰。才子文章原錦繡，美人顏色勝芙蓉。作合願天公。
縫字補君山崎氏子與相深春愛故特倚雙調以寵之

四字令

代題朱雲遠半甲乙詞

花簾夢涼，花庵草荒。而今風月詞場，讓君家主張。情長夢長，脂香黛香。新詞傳遍吳

閩，付秋娘。泰孃。
雲遠蓋離婢數人自製新曲致之故有是戲

醉花陰

前題

杏花寒重癡雲，澹屏角春痕膩。方寸小紅牋，摺就同心，遍寫鴛鴦字。沈檀几，招葱紋

細曲，付紅紅。記眉角遠山，稜半是情天，半是相思地。

浣谿紗

喜兒詞

象曲屏開，鳳脰明紅。豔扶上態盈盈。乍聞花底一聲鶯，眼角暗飛波一瞥。眉稜橫鎖，恨千層絕，無情處也撩情。

可是江皋解佩，仙閒來，花下弄秋。千問年，剛好月初圓。未慣濃妝，微靦覷，偶因薄病，鎖淹煎，不成歡笑，只堪憐。

孃孃婷婷下玉墀，上頭斜插碧霞笄。偶擁蟬翼露柔莢，繹袖春痕籠蜥蜴。兜鞵紅暈，上蟾蟾爲郎，特地啓瓠犀。

慘綠丰裁，妙絕倫。散花偶現女郎身。拳幘一笑亦前因。翠縷戲填新水，令青琴閒譜，望湘人。畫樓昨夜感星辰。

銀燭當筵，乍目成，怕人嘲謔。故含情暗中，低喚一聲卿。爲惜落花添懊惱，偶吟飛絮，感飄零，惺惺祇合惜惺惺。

蕭瑟蘭成鬢，已斑空將詞賦動。江關得卿，乍可破愁顏。不分奇香薰繡被，更無妍唱，付嬌鬢，早年綸思已全刪。

菩薩蠻

賓紅潤樂府

四

折花

少年愛惜花如命，老來漸識花情性。折得一枝回，含苞纔半開。莫燒銀燭照，怕被紅妝惱。呼婢下湘簾，護伊香夢甜。

柳梢青

題于香草石上參禪圖

綺夢當年青衫客，裏紅豆花前鸚鵡才高。鴛鴦命薄，同墮情天。而今一榻茶煙，再休被游絲暗牽。薜蘂香清，芭蕉雪冷，同悟情禪。

虞美人

題蔣蘊深明經姬人拈花圖

小庭柳絮霏香雪，闌角瓊英密。戲拈花片學填詞，笑泥檀郎按譜理琴絲。特開三徑迎桃葉，苔印弓弓屨。玉簫雙引鳳皇兒，休怨東風紅豆子生遲。
姬人謝氏小字素娥歸蘊翁後連舉二男

采桑子

牽牛花

冷蛩吟得秋心碎，煙鎖閒庭。人倚閒屏，淺碧衣愁曉露零。疎籬隔斷銀河影，花露迷冥。花夢忪惺，愁殺天邊織女星。

減字木蘭花

秋海棠花

綠衣吟怨盡日無人，苔滿院蝶醉蜂癡，訴與閒愁總不知。檀心脈脈，雨碎煙零，誰護惜。褪盡芳紅，相伴寒蟬泣露叢。

菩薩蠻

鳳仙花

秋花落盡無人掃，秋窗幽夢誰知道。淚點浥紅綿，相思欲化煙。擗和香麝細，染就猩痕膩。微露玉葱尖，錯疑紅豆拈。

醜奴兒

閨情

杏花寒重，雨如絲。曉起捲簾遲。蝶乍醒初，鷓鴣纔轉，候燕未來時。金猊香篆裊輕颺，盡

日掩翠巒閒約鷗盟夢憎鶯喚愁訴鸚知

醉太平

夏閨詞效奚燕子體

瑤階露多銀屏月過隔花喚醒鸚哥看雙星渡河
眉青洗螺衫黃褪鵝噴郎偷覷金
詞下湘紋帳羅

菩薩蠻

偶讀李笠翁繡鞋詞有米大尖頭何處能棲鳳之句戲反其意譜爲小詞非敢嘲
時亦爲李後主懺風流罪過耳

沈檀巧鏤重臺小春跌怎比天然好莫繡紫羅襪青灰緞最佳
金盤雙彩鳳猶怕幫

兒空去聲添箇並頭蓮教郎越愛憐字畫無緞字游戲之作不妨從俗用之也

柳梢青

壽珩君

試折梅花替卿簪鬢笑語卿家畏壘通侯愁城專闔我最奢遮
且醉流霞更休問油

鹽醬茶槐國黃封花宮紫誥卿亦榮華

攤破浣谿紗

偶讀濟廬詞戲效其體

擬罷風琴月上遲催眠無術坐支頤約莫懷中時計上已三時
意密轉難傳電綫病
深微覺怯風絲今夜相思剛起點苦禁持

望江南

端午閨詞

端陽日新製簇絨花蒜結獨囊絲五色蒲簪細葉髻雙了更擣守宮砂

端陽日風景最清研瓶插榴花添活水鑪燒艾納起新煙角黍乍登筵

端陽日卯酒泛菖蒲賭韻戲翻青瑣記辟邪新篆赤靈符鬥草泥檀奴

端陽日約共耍青游香溢朶葵紅玉腕涼生蔗汁碧藝甌攜上木蘭舟

浣谿紗

聽盡銅龍漏點遲一鏡如豆獨凝思強拈湘管學填詞
鵲尾鼻煙團作字蝦鬚織月

細成絲寂寥情味有誰知

柳梢青

讀庚子秋詞

散盡宮鴉龍樓霧鎖鳳闕雲遮滿地煙塵滿天烽燧滿耳鉦笳 儘爾紛爭比今日猶

差勝些松加切 故國滄桑故宮禾黍故老盡沙

北新水令

題青浦蔣蘊深明經愚園游息圖

新水令 莽塵寰何處結吟巢趁芳時申江重到煙波停畫舫花月寄詩瓢著甚波焦
且騁花驄恣游眺

駐馬聽 細雨疏寮綠綺圓調鶯舌巧斜陽古道黃塵香蹴馬蹄驕天魔十萬畫嫵媚
看花側帽都年少齊指道綠楊深處園林好

沈醉東風 你看那裊垂楊亞字牆高繞修廊卍字欄雕正泥香燕子歸但客至鸚哥
報更步青莎轉過牆腰有一縷茶煙竹外飄似摩詰新臨畫蘂

折桂令 有的是挈妖姬同上蘭橈翠袖微揎蕩出紅橋有的是酒國遊遨酌紅螺
雪椀冰調更有那穿芳徑弓彎月小趁香塵輪逐風塵扇底花嬌只落得鍋底金銷說
甚麼王謝風流無非似絳灌粗豪

沽美酒 俺只爲嫩年華去似潮鏡中絲綠漸凋怕夢裏鶯花容易老因此上把恨果
向情田掃撇名韞望酒國逃

太平令 暢好是北堂親鶴髮飄蕭荷蒼天永錫難老俺呵奉潘輿花徑逍遙舞萊綵
荷衣歡樂還騎鶴上神山走遭采芝田藥苗祝靈護年年增壽考

離亭燕帶歇拍煞 也不想木天珥筆居清要也不想英姿圖績凌煙閣也不想上揚
州十萬纏腰但只是騎花邊蝶聽柳陰鷓調松間鶴彈文楸一局棋譜碣石千秋調有
紅袖添香人妙

更狂來時凌碧落游儘倦來時抱白雲臥到悶來時向青天嘯三生恨海平一夢春婆
覺正人壽月圓花好且借這電光兒印泥中雪鴻爪

南商調

爲奚森伯題照

梧桐樹 騎蟾桂府高控蝶花宮曉誤入情天謫下相思窄填詞韻忒嬌顧影年方少
錦繡般才雅稱這花般貌且趁著嫩年華描畫出風流照

東甌令 暢好是花鬢駿柳外調落花香軟四蹄驕游蜂一路鞭絲繞遙指著紅樓小
有美人拋下翠雲綃裹著紫櫻桃

大聖樂 偶然間散步東皋逗微霜花客傲論錢買得香盈抱斜照裏載歸燒還只怕
哀蛩咽露秋容槁急忙深護銀屏把畫燭燒更晚妝人妙替伊簪鬢鏡中雙笑
解三醒 猛擡頭西風殘照絢丹黃幾樹楓凋似寒山一幅倪迂藥添幾家茆屋山坳
有多少白雲紅葉供吟料且消停油壁雕輪過野橋歸來早倩香東小史詩句親抄
前腔 訪名園春江一權正芳時綠膩裙腰約梅妻菊婢同游眺更相攜尚女苗條開
消遣品泉竹裏安茶竈儘風流鷓月花間掛酒瓢聞言道是劉綱仙眷游戲塵囂
尾聲 前生福慧俱修到把恨債情逋一筆銷休似我困守愁城頭白了

北折桂令

感懷效竹垞太史葉兒樂府體

北折桂令 俏書生少日風流駿馬輕貂紫陌紅樓廉角鳴箏燭邊飛翠花底藏鉤飛
翠墨狂題鳳帕貫香醪醉解鷓裘休也廢休猛無端鏡裏繁霜白了人頭

前腔 憶年時橐筆遨游有好湖山便作句留煙雨吳江雲山北固花月揚州攜勝侶
碑尋鹿苑躡飛仙杯渡蛤洲休也廢休到如今鴻雪模糊爪蹟誰搜

前腔 看他人福慧雙修富貴神仙自在悠游鼉陸掄元龍庭擁節麟開封侯宰相府
三千珠履兜率宮百二瑤樓休也廢休到頭來一警空花有下梢不

前腔 笑先生老臥荒邱賃屋三間且作菟裘語石軒前承青閣畔望月橋頭鎖無聊
空山捫蝨得閒時淺渚盟鷗休也廢休只圖得一醉陶然此外何求

前腔 忍重提往日朋游一笛斜陽吹起閒愁儘繡虎才華屠龍事業跨鶴風流閒屈
指停雲久闕鸞傷心逝水難留休也廢休爭禁得老去填詞淚共鵲流

北雙調新水令

香光樓祭邑中前輩詩人歌此以代神絃曲

北雙調新水令 猛無端乾坤龍戰血玄黃眼睜看神州板蕩殘春啼杜宇敗壁咽
寒蜚酒社詞場一例的草蔓煙荒增滿眼淒涼况

駐馬聽 鶴渚波涼萬軸牙籤淪宿莽琴軒草長一編心史泣斜陽幾家錦繡好文章
只落得馬蹄踏踏蛛絲網真悽愴聽青楓夜雨哭秋墳上

沈醉東風 俺呵采靈珠招來象罔撥殘灰檢出縑緗有的是清才玉筍聯有的是豔
體金荃仿更有那唾絨窗繡罷鴛鴦七字吟成翠墨香都收入珊瑚鐵網

折桂令 趁今朝暢好時光月滿銀塘露滴銀牀燒一鑪篤速名香曲奏霓裳杯奠椒
漿邀天上詩仙隴降向人間酒國相羊花也麼芳風也麼涼管甚麼世界滄桑且消他
花月壺觴

離亭燕帶歇拍煞 亭臺歷劫仍無恙天付與閒人暫主張莫懷古憑闌悵悵你看那
招鶴軒琴尊歇放鵬亭瓦礫高狎鷗池煙波漾只香光一角樓有繡佛疏寮敞容我輩
詞人跌宕便月來時弄蕉陰笛風來時披柳外襟雨來時打花間漿瓜浮碧玉缸茶淪
青瓷盞上虹月米家詩舫製一曲弔吟魂向荷花深處唱

除夜自歎

集唐獨上江樓思悄然孤鏡挑盡未成眠不勝惆悵還惆悵霜鬢明朝又一年在
下乃米穴山青工道人也是也聞得唐朝有個洞賓先生沿街賣唱道情度人出世
俺如今除夜無聊不免把生平苦況酸情調成幾隻鼓兒詞藉以自嘲自歎這無
非是酸丁話靶乞丐排場且敲著簡板魚筒唱與諸公聽者

老書生擁敝袍破紅鑪槽柚燒聽聽臘鼓將殘了髻如衰柳經霜禿愁共寒花作雪飄
菜根酸盡酸儒料談一套陳言腐語管他們隱刺閒嘲

想爺孃指望俺奮鵬程月窟探青雲直上鼇頭占因此上三更螢案將詩文課十載雞
窗把經史談要兒姓氏寫泥金豔那曉得爺孃死了依舊是困儒巾雙鬢髭髯

爲飢驅橐囊游數萍漂近卅秋依人作嫁真僂僂牽絲傀儡憑顛倒磨盾文章濫應酬
沐猴自覺衣冠醜抵多少沿門託鉢食嗟來蒙袂增羞

到衰年風雪催病淹煎歸去來一椽破屋誅茅蓋詩云子曰成何用說劍論文枉費才
只落得懸壺賣藥把飢寒耐還稍勝搖鈴覓食走街坊滿面浮埃

小神仙老更頑
嚼梅花當早餐
朝游暮宿真蕭散
閒循曲港觀魚樂
倦倚柴門數鳥還
更睡餘門蝨坐
青山畔得閒錢
且謀一醉問山妻
可又酤顏
呼牛呼馬隨人意
莫更爭閒氣
俺如今冷卻熱心腸
勸破浮名利
唱隻道情兒
騎鶴乘雲去矣

跋

夢晚姑丈夙嫺吟詠爲同邑吳寄雲先生高足曾請業於舒藝老人老人亟稱之曰非時下茂才主申報筆政垂二十年聲滿海內晚歲謝事歸自新場卜居周浦重理青氈兼操西醫卒於民國十三年十一月十四日辰時距生於咸豐三年四月初五日卯時春秋七十有二著有鋤經書舍零墨四卷淞南夢影錄粉墨叢談鶴窠村人初稿賓紅閣豔體各一卷詰嗣節之表兄經營在外交孫嚶生亦就賈海上去歲四月間大兄幸明承姑母命携鶴窠村人詩稿八卷至滬植鉛而以校讐之役屬於忙印局稽遲竟逾一載才校竣悉遵徐耐翁選擇不增汰一章夫詩亦至難言已誇多門靡稠疊廢和入於魔道輕清薄弱失乏氣骨聲牙詰屈矢概餽釘傷越風韻時下名流之什竟大有不可解者曩謁姚東木先生謂予曰今人胡專習宋詩自鳴其高豈宋以上別無詩可學耶予性溺於古深躋之喜讀如張廣雅所言有關考訂之詩故持論宜與世殊若姑丈之詩抑稍異夫世俗細膩風光略無粗枝大葉有晚唐風格焉生平視宋詩蔑如放翁誠齋之儔意頗輕之不屑俯從杜姑丈允甫善篆而公善隸二人交相重遂聯秦晉香

艸校書客臘重行刷印先問業倪丈斗構工唐賦擅五七古長歌聞遺著今冬亦將付印
印香可喜也獨予學業荒落靡少崇崇朝勞頓忙莫能名冗次雜書聊誌歲月並寄感
慨民國十九年庚午三月朔內姪南匯朱太忙艸於滬北寓樓

艸校書客臘重行刷印先問業倪丈斗構工唐賦擅五七古長歌聞遺著今冬亦將付印
印香可喜也獨予學業荒落靡少崇崇朝勞頓忙莫能名冗次雜書聊誌歲月並寄感
慨民國十九年庚午三月朔內姪南匯朱太忙艸於滬北寓樓

鶴窠村人詩稿勘誤表

題詞第六行第十字頽誤頑又第九行無涯下脫調寄高陽臺五小字
目錄第六頁第九行第四字莽誤莽

第十一頁廿五字挑誤桃

詩稿卷一第三頁下第十二行鼓擊誤擊猶

第八頁上第四行影怯誤倒

第九頁第八行小字壺誤壺上字下脫海字

又下頁第四行小字家臣誤家人

第十一頁第四行卓間下當空一格

又第九行小字爲刑曹爲誤借杭人下當空一格

又下頁第三行高安下當空二格

又第八行小字其氏也也誤亦

第十二頁下第七行小字丰姿誤豐姿

又第九行河野下當空二格

第十三頁第二行鑛林阿花當移下二格

又下頁第六行小字既雨誤將兩謝將誤謝既

卷二第一頁第二行協下脫填字

又第三行放下脫鷗字

又下頁第十行第十五字櫛誤據

第十三行寇下櫛字衍

第二頁第五行其夫誤倒

第六頁第六行朔下老字衍

第七頁第六行第八字舍誤舍

又下頁第十三行末回下脫看下二字

第八頁第二行立字當低一格

又第三行曆字當頂格第十九字曆誤歷

卷三第十二行小字七下脫月字

又第十三行第七字肩誤扇

又下頁第十一行卽今誤卽令

第四頁第四行小字頗誤願

第五頁第五行小字樓上誤縷上第十三行小字清字缺水旁

卷四第四頁第四行第八字濕誤涇

又下頁第一行第三十字巾誤中

第六頁第三行第六字淺下脫水字

又下頁第九行第二十五字以誤同

第七頁下第十三行小字天童誤天潼

卷五第五頁下第二行小字浙中誤浙中

第六頁第六行第十字寒下脫燈字

卷六第一頁下第十三行令我誤今我

卷七第一頁第十三行當接下

卷八第四頁第十一行漸忘誤漸忌

第六頁第九行凌波誤凌波

樂府目次第二頁下第十一行小字題蔣誤題蔣

樂府第二頁下第七行第十二字清下脫影字

第三頁下第三行小字深相誤倒

第七頁第十行當接下

第八頁下第七行第五字今誤令

跋第五行第六字三誤二

予謂欲求鉛印之美首須整頓銅模彼製銅模之人本無學識以致俗體多而有用之字反付缺如
一似編新字典之人專務俗用而多所刊落夫既名爲模而却無其範既目爲典而偏失其祖豈不
可笑而又可歎之甚耶是書出版遲遲錯誤遂多略爲重校列表於右若己己巳三字之互錯不可
究詰閱者自知毋庸乙出至倒冊字以代四十蓋卽銅模所無爲銅模者心目中祇有一卅字而已
耳

庚午長夏澧溪朱氏識

溫州府

